

TAMIN'IO ANDRO

TEO KALVARY IO

 Misaotra anao, Rahalahy Neville. [Hoy Rahalahy Neville hoe, “Ho tahiana ianao, rahalahy!”—Mpand.] Andriamanitra hitahy anao, Rahalahy Neville. Misaotra anao, betsaka.

² Manao ahoana, ry sakaiza. Tombontsoa iray ny tonga eto amin’ny tabernakla indray, izao maraina izao, mba hanompo ny Tompo, amin’ny fomba fitoriana ny Teny sy ny fivavahana ho an’ny marary. Ary tena mankasitraka aho ny amin’ity andro ity.

³ Ary taitra aho, raha vao niditra. Nanatona ny rahalahy iray ka nanao hoe, “Tsy tiako ny hitovy amin’ilay boka tsy mendrika izay sitrana.” Rahalahy Wright izany. Nivavaka ho azy aho, ka nanasitrana azy tanteraka ny Tompo. Ary tonga izy, nitomany, mba handray ny tànako, sady nilaza fa—fa te-hisaotra ny Tompo izy satria—satria sitrana. Te-hiverina izy ka hanome fisaorana. Lasa ny zavatra rehetra. Izy dia—salama tanteraka izy ankehitriny. Mankasitraka ny amin’ireo fijoroana vavolombelona isika.

⁴ Ary Charlie, ianao sy Rahalahy Jeffries, raha maniry ianareo, dia miakara eto ka raiso ireto sezta eto ireto. Ary mihoatra nohon’ny tongasoa ianareo, noho izany tsy voatery hitsangana ianareo. Ilay rahalahy hafa iray eto, sy Rahalahy Wood, miakara eto fotsiny. Ianareo dia... Eto dia misy toerana kely, vitsivitsy eto amin’ny dabilio lava, noho izany tsy voatery hitsangana ianareo. Mino aho, toerana vitsivitsy eto, ary, eny, afaka ny hihotra nohon’ny tongasoa ianareo ho avy ka handray an’ireto toerana ireto.

⁵ Faly isika ny... Mino aho fa izao no voalaza, indray mandeha hoe, “Faly aho raha hoy izy ireo tamiko...” Andriamanitra hitahy anao, rahalahy. [Hoy ny rahalahy iray hoe, “Tiako foana ny ho eo akaikin’ny mpitoky teny.”—Mpand.] Misaotra anao. Misaotra, misaotra anao. “Faly aho raha hoy izy ireo tamiko, ndao isika handeha ho any an-tranon’ny Tompo.” Izany no tombontsoa sy fifalian’ny Kristiana, ny handeha ho any an-tranon’ny Tompo.

⁶ Eo am-pijerena ny manodidina, mahita ny marobe amin’ireo sakaizako ato, izao maraina izao, dia feno hafaliana aho ny amin’izany. Faly aho mahita an-dRahalahy sy Ranabavy Dauch eto, avy any Ohio. Mahita an-dRahalahy sy Ranabavy Armstrong aho iry aoriania iry, avy any Ohio any. Andriamanitra hitahy anareo rehetra, ihany koa. Ary, oh, eo am-pijerena

ny manodidina fotsiny, dia mahita marobe ianareo, somary sarotra kely ny hanonona ny anaran'izy rehetra ireo. Ranabavy Hoover, faly izahay mahita anao ato, izao maraina izao, avy any Kentucky any. Ary Charlie sy Nellie, Rahalahy Jeffries sy ny fianakaviany, ary marobe mihitsy ato, avy any ivelan'ny tanàna.

⁷ Noho izany dia manantena fotoana lehibe iray ao amin'ny Tompo isika, izao maraina izao, manantena an'Andriamanitra hihaona amintsika amin'ny fomba iray mba hitahy ny fanahintsika ary hanome antsika an'ireo zavatra izay ilaintsika.

⁸ Ary raha mijery manerana ny toerana aho, raha hiantso an'ireo sakaizako rehetra manodidina eto, dia haka ny ankamaroan'ny maraina, hilazana an'ireo hafa. Manao ahy hahatsapa ho tsara ny tafaverina eto am-piagonana, mahita an'ireo olona rehetra ato, tonga mba hihaona.

⁹ Ho toy ny inona izany rehefa tonga any An-danitra isika, ka mihaona Any isika mandritr'ilay fotoana lehibe an'ny mandrakizay, fiombonana Mandrakizay miaraka, manodidina ny Seza fiandrianan'Andriamanitra, sy ireo tena fitahiana izay ankamamantsika rehetra? Isika, Any, dia hatao hitovy Aminy, sy araka ny Endriny, ary miaraka amin'Ny Fanahimy eo amintsika, mba hivavaka sy hanompo Azy mandritry ny Mandrakizay rehetra, tsy ho lasa reraka mihitsy.

¹⁰ Eritrereto fotsiny, tsy misy na inona na inona azonareo eritreretina, izay tianareo hatao, ka vetivety foana dia reraka ianareo eo am-panaovana an'ilay izy. Charlie, ataoko fa izaho sy ianao dia nihaza vontsira mihoatra lavitra nohon'ny zavatra rehetra izay tiantsika hatao, teo amin'io lafiny io, saingy, fantatrazo, reraka ianao eo am-panaovana an'izany.

¹¹ Ary izaho—izaho dia tia ny—ny mandeha an-tongotra lavitra, mandeha any an-tendrombohitra ary mandeha an-tongotra lavitra fotsiny. Saingy reraka aho, indraindray, te-hanao zavatra hafa ianareo.

¹² Ary tiako ny mamily fiara. Matetika dia mahatsapa reraka kely sy sasatra aho, ary taitaitra ireo hozatra. Hitsambikina fotsiny ao anatin'ny fiaroko aho dia lasa, ary mihazona eo amin'ilay familiarina, mandeha eny an-dàlana, mihira hoe, "Tena faly aho raha afaka milaza fa isan'izy ireo aho," na tahaka an'izany. Mamikitra fotsiny an'io familiarina io, dia mihira, ary manajadojadona ny tongotro, sady mikiakiaka. Ary, eny, afaka kelikely, dia reraka aho, ary miverina mankany an-trano aho avy eo ka manomboka zavatra hafa.

¹³ Fa rehefa manomboka manompo an'Andriamanitra isika ao amin'io Fanjakana vaovao io, dia tsy hisy fotoana iray mandreraka mihitsy, izao fotsiny—ho fitahiana iray foana fotsiny, manohy sy manohy fotsiny. Fa, mazava ho azy, hovaina isika amin'izay fotoana izay. Tsy hitovy amin'izay maha-izy antsika ankehitriny isika. Ho hafa isika, olona hafa noho

izay maha-izy antsika amin'izao fotoana izao. Noho izany, dia faly isika.

¹⁴ Nieritreritra fotsiny aho. Tsy fantattro na efa mba nanao aho, nanonona an'ity na tsia. Rahalahy Charlie, indray andro lasa, tany Kentucky tany aho niaraka taminy, dia hoy izy hoe, "Rahalahy Branham, mihevitra ve ianao, fa ao amin'ny Arivo taona, dia hihaza vontsira izaho sy ianao?"

Hoy aho hoe, "Tsy mihevitra an'izany aho, Charlie."

¹⁵ Hoy izy, "Eny, tena tiantsika loatra izany," hoy izy, "ianao—mihevitra ve ianao fa hihaza isika rehefa tonga ao amin'ny Arivo taona?"

Hoy aho hoe, "Tsia, tsy hisy na inona na inona ho vonoina ao amin'ny Arivo taona."

Dia hoy izy hoe, "Eny, tiantsika mihitsy ilay izy."

¹⁶ Hoy aho hoe, "Charlie, ahoana moa raha afaka handresy lahatra anao aho fa kisoa iray ianao indray mandeha, ka nakarina teo amin'ny vatana iray avoavo kokoa, ho lasa olombelona? Mba handeha ve ianao, te-hiverina ka hifaly amin'ireo fahafinaretan'ny kisoa iray?"

Hoy izy, "Tsia."

¹⁷ Hoy aho hoe, "Hitanao, ho tena ambony lavitra noho ilay kisoa ianao, ankehitriny, olombelona anankiray ianao, tsy ho tianao intsony mihitsy ny ho kisoa iray." Hoy aho hoe, "Ankehitriny ampitomboy iray alina izany, dia ho izany ianao rehefa novaina avy tamin'ny eto ho amin'izay haha-izy anao. Tsy te-ho olombelona intsony indray ianao."

¹⁸ Marina izany. Ho zavatra hafa izany. Tena faly aho ny amin'ny fieritreretana an'izany fotsiny, mahafantatra fa hihanika ambony kokoa isika indray andro any.

¹⁹ Eny, ankehitriny, raha sitraky ny Tompo, amin'ny Alahady heriny, izay saiky ho...Avy eo aho dia hiainga, handeha any Wyoming, miaraka amin'ny makaiza tsara iray; na any Idaho, miaraka amin'ny makaizako tsara iray, Rahalahy Miner Arganbright, Rahalahy Clayt Sonmore, ny Christian Business Men.

²⁰ Ny herinandro manaraka, herinandro aorian'ny manaraka, dia izao; ny faha-7, izaho dia tsy maintsy ho any—any Dallas, Texas, ao amin'ny Voice of Healing Convention. Ary ny hariva hiresahako dia ny faha-7. Fa miverina aho avy eo, mba handeha any Idaho miaraka amin-dRahalahy Arganbright sy ny Christian Business Men. Ary angamba banana hariva iray ao Minneapolis, alohan'ny hiainganay. Ary avy eo dia sakafotra maraina iray an'ny Christian Business Men.

²¹ Raha sitraky ny Tompo, amin'ny Alahady heriny maraina dia te-hiverina eto amin'ny tabernakla indray aho, ary izany

dia raha avela sy ho sitrapon'ny Tompo. Fa te-hiresaka aho eo amin'ny lohahevitra hoe *Ilay Tadio Ao Anatin'Ny Rivotra*, raha sitrakny Tompo. Toy ny hoe tao am-poko izany, ny herinandro manontolo.

²² Ary ilay indray maraina, tena vao maraina, teo amin'ny efatra ora maraina teo, dia nifoha aho ary nanana an'ity fisainana ity hoe, "Tamin'io andro teo Kalvary io." Ary te-hiresaka eo amin'izany aho, izao maraina izao hoe: *Tamin'Io Andro Teo Kalvary Io*.

²³ Ary ankehitriny ho an'ity famakiana ity, dia ndao isika hamadika ao amin'ny Baibolintsika ankehitriny, ao amin'ny Soratra, ao amin'ny Filazantsaran'i Masindahy Matio, eo amin'ny toko faha-27. Ary hanomboka amin'ny andininy faha-27 isika ka hamaky ampahany iray avy amin'io Soratra io, mba hanaovana ny fanorenantsika, avy eo dia hanomboka avy hatrany isika. Ary aorian'ny fotoam-pitoriana, dia hanana vavaka ho an'ny marary isika avy eo.

²⁴ Fa, oh, hatramin'ny fotoana farany naha-teto, dia namerina fotsiny, ary nampitovy ny karazan'ny asam-panompoako vaovao. Nahazo fijoroana vavolombelona ho valiny aho avy tamin'io favoriana io be lavitra noho izay azoko tao amin'ny rehetra nandrity ny elabe.

²⁵ Misy zavatra mikasika an'izany, ka tsy maintsy mifandray amin'ilay olona ianareo, tsy mampaninona na ivelan'ny voajanahary firy no voaseho. Fa, hitanareo, ny fanasitravana dia tsy maintsy mipetraka eo ambonin'ny finoan'ilay isambatan'olona. Ankehitriny, raha manana finoana ilay isambatan'olona...

²⁶ Ary raha hitan'izy ireo, ohatra, ny Fanahy Masina mandeha eo ambonin'ny mpanatrika ka manao hoe, "*Izao-sy-izao* no zavatra nitranga. Ary, ka, ianao dia *izao-sy-izao* ny anarana. Ary avy amin'ny toerana toy *izao* ianao. Ary *izao* no zavatra nataonao. Ary ho toy *izao* izany." Ary mahita an'izany rehetra izany mitranga tahaka an'izany mihitsy!

²⁷ Kanefa, ilay isambatan'olona, izay mipetraka eo, dia tokony hiandranda ka hanao hoe, "Tsy maintsy ho Andriamanitra izany. Manaiky ny fahasitrakanako aho."

²⁸ Fa, raha tokony ho izany, dia hoy ilay isambatan'olona hoe, "Ametraho tànana aho ary mivavaha ho ahy, mba ho sitrana aho." Fa tahaka an'izany no nampianarina antsika eto Amerika, ary, noho izany, ny hino an'izany. Ary ara-tSoratra tokoa izany.

²⁹ Saingy hitantsika ankehitriny, fa any Afrika sy ireo toerana hafa, dia mamela fotsiny ny zavatra tahaka an'izany hitranga, manatsotra tànana indray mandeha fotsiny ilay mpanatrika manontolo, manaiky ny fahasitravanany, satria tsy nampianarina na inona na inona izy ireo. Hitanareo? Tsy nampianarina akory ny fahasitravana aza izy ireo. Ary amin'izay fotoana

izay rehefa mahita an'izany izy ireo, dia fantany fa misy Andriamanitra iray izay velona. "Koa raha velona Izy, Izy—Izy no lehibe indrindra, ary Izy—Izy no manasitrana." Ary izany ilay izy, satria efa voapetraka ilay fototra, ireo fanorenana, hoe Izy dia mpanasitrana iray, ka manasitrana ny olona. Avy eo rehefa hitan'izy ireo Ny Fanatrehany izay miasa amin'ny alàlan'Ny Fiagonany, amin'izay fotoana izay dia hoy izy ireo hoe, "Milamina hatreо izany. Izay ihany no ilainay."

³⁰ Fa nampianarina isika hoe, "mametra-tànana eo amin'ny marary," sy ireo zavatra tahaka an'izany. Izany no antony tsy mampety tsara mihitsy an'ilay izy eto Amerika.

³¹ Ankehitriny, tsarovy, amin'ny Alahady heriny maraina, raha sitrakny Tompo, Rahalahy Neville no hilaza an'izany, mazava ho azy. Ary...ny... *Tadio Iray Ao Anatin'Ny Rivotra*.

³² Ankehitriny, nanome anareo fotoana kely iray aho mba hamadihana ao amin'ny Soratrareo, ao amin'ny Matio 27. Ndao isika hanomboka hamaky amin'ny—ny andininy faha-27, an'ny Filazantsaran'i Masindahy Matio. Ankehitriny dia ndao isika hihaino tsara ny famakiana.

Ary ny miaramilan'ny governora dia nitondra an'i Jesosy ho ao anati-rova, sady nanangona ny andiana miaramila manontolo ho eo aminy.

Dia nendahan'izy ireo ny fitafiany, ary nanafy azy lamba jaky izy ireo.

Ary rehefa nandrindrana satroboninahitra tsilo izy ireo, dia napetrany teo amin'ny lohany izany, ary ny volotara teo amin'ny...tànany: dia nandohalika teo anatrehany izy ireo, ka naneso azy, nanao hoe, Arahaba, ry Mpanjakan'ny Jiosy!

Dia nororan'izy ireo izy, ary nalainy ny volotara, ka nokapohiny teo amin'ny loha izy.

...rehefa avy naneso azy izy ireo, dia nesorin'izy ireo taminy ilay lamba, ary napetrany teo aminy ny akanjony manokana, ka nentiny izy mba hanohomboana azy.

Ary raha nandeha izy ireo, dia nahita lehilahy iray avy any Kyrena, Simona no anarany: izy no noteren'izy ireo hitondra ny hazo fijaliany.

Ary rehefa tafakatra izy ireo, tonga teo amin'ny toerana iray antsoina hoe Golgota, izany hoe, toeran'ny karandoha,

Dia nomen'izy ireo vinaingitra izy ho sotroina nafangaro tamin'ny afero:...rehefa nandramany izany, dia tsy nety nisotro izy.

Ary nohomboan'izy ireo izy, ka nozaraINY ny fitafiany, ary nanaovany loka: mba hahatanteraka

an'izay nampilazaina ny mpaminany hoe, Nozarainy teo anivon'izy ireo ny fitafiako, ary ny akanjoko nanaovan'izy ireo loka.

...nipetraka izy ireo niambina azy teo;

Ary napetany...teo ambonin'ny lohany ny fiampangana voasoratra hoe, ITY NO JESOSY ILAY MPANJAKAN'NY JIOSY.

Avy eo dia nisy mpangalatra roa nohomboana niaraka taminy, ny anankiray teo amin'ny ankavanana, ary ilay hafa teo amin'ny ankavia.

Ary ireo—ireo izay nandalo dia niteny ratsy azy, nanihifikifika ny lohany,

Ka nanao hoe, Ianao izay nandrava ny tempoly, ka nanangana azy afaka telo andro, vonjeo ny tenanao. Raha Zanak'Andriamanitra ianao, dia midina hiala amin'ny hazo fijaliana.

Dia toy izany ihany koa no nanesoan'ny lohan'ny mpisorona azy, niaraka tamin'ireo mpanora-dalàna sy ireo loholona, nanao hoe,

Namonjy ny hafa izy; nefä tsy afaka mamonjy ny tenany. Raha izy no Mpanjak'an'ny Isirael, aoka izy hidina hiala amin'ny hazo fijaliana ankehitriny, dia hino azy izahay.

Natoky an'Andriamanitra izy; aoka izy no hamonjy azy ankehitriny, raha hamonjy azy izy: satria hoy izy hoe, Izaho no Zanak'Andriamanitra.

Ireo mpangalatra koa, izay nohomboana niaraka taminy, dia nanao toy izany koa teo amin'ny nifin'izy ireo, teo amin'ny nifiny.

Ankehitriny hatramin'ny ora fahenina dia nisy aizina nanerana ny tany rehetra hatramin'ny ora fahasivy.

Ary teo amin'ny ora fahasivy dia niantso tamin'ny feo mahery Jesosy, nanao hoe, Ely, Ely, lama sabaktany? izany hoe, Andriamanitro, Andriamanitro, nahoana no nahafoy ahy ianao?

Ny sasany tamin'ireo izay nitsangana teo, rehefa nandre an'izany izy ireo, dia nanao hoe, Miantso an'i Elias io lehilahy io.

Ary niaraka tamin'izay ny anankiray...dia nihazakazaka, ka nandray sipaonjy iray, ary natsobony tao amin'ny vinaingitra izany, ka nataony teo amin'ny volotara iray, dia nomeny azy ho sotroina.

Ny sisa dia nanao hoe, Aoka ho, aoka ho hitantsika raha ho avy i Elias ka hamonjy azy.

Jesosy, rehefa avy niantso tamin'ny feo mahery indray izy, dia nanolotra ny fanahy.

Ary, indro, ny efitra lamban'ny tempoly dia nitresaka nizara roa avy teny amin'ny tampony ka hatrany ambany; ary nihorohoro ny tany, ka nitresaka ny vatolampy;

...nisokatra ny fasana; ka maro tamin'ireo vatan'ny olo-masina izay nodimandry no nitsangana,

Ary nivoaka avy tao amin'ny fasana taorian'ny fitsanganany, ka nankao amin'ny tanàna masina, ary niseho tamin'ny maro.

Ankehitriny rehefa ilay mpifehy zato, sy ireo izay niaraka taminy, izay niambina an'i Jesosy, raha nahita ny horohorontany, sy ireo zavatra izay vita, dia raiki-tahotra indrindra, nanao hoe, Marina tokoa fa Zanak'Andriamanitra ity.

³³ Ndao isika hanondrika ny lohantsika vetivety fotsiny ho an'ny vavaka.

³⁴ Tompo, fantatray fa Andriamanitra Ianao. Ary izany... Rehefa avy namaky an'ity Teny hajaina sy masina ity, dia mbola afaka mahita foana izahay fa tsy niova ny Natioranao. Andriamanitra foana Ianao. Ary ilay izy dia toy ny hoe tsy nahazo famonjena mihitsy Jesosy, ka nentin'ireo tånama ratsy fanahy Izy ary nomontsamontsanina potipotika, sy nororana, sy nesoina, ary nihantona teo amin'ny hazo fijaliana, nivoa-drà, teo am-pahafatesana. Ary toy ny hoe tsy nisy famonjena, na taiza na taiza, hany ka niantsoantso mihitsy aza Izy, ny Tenany hoe, "Andriamanitro, Andriamanitro, nahoana no nahafoy Ahy Ianao?"

³⁵ Fa, mihetsika amin'ny fotoana izay tsy ahafahan'ny na inona na inona hihetsika Ianao. Nampahafantarina izahay, Tompo, fa raha manana renirano izay tsy hainay iampitana izahay, raha manana tendrombohitra izay tsy hainay tetezina izahay, dia manam-pahaizana manokana Andriamanitra amin'ny fanaovana an'ireo zavatra izay tsy hainy hafa hatao.

³⁶ Manam-pahaizana manokana Ianao, eo amin'ny asa, satria Ianao no nahafantatra ny anton'io andro teo Kalvary io. Ianao, amin'ny maha-Andriamanitra, ilay Tokana tsy manam-petra, dia nahafantatra fa tsy maintsy tonga io ora io. Fa rehefa tanteraka izany, tamin'izay fotoana izay no Nanehoanao fa Andriamanitra Ianao. Nasehonao hoe Iza no lehibe. Nanozongozona ny tany Ianao, ka nivoaka ireo olo-masina izay nodimandry tao amin'ny tany. Nanamaizina ny masoandro Ianao tamin'ny alina, tahaka ny aizin'ny alina, naneho fa Andriamanitra Ianao. Saingy toy ny hoe nangina ela loatra Ianao.

³⁷ Aoka izahay, manomboka izao, hisintona fehin-kevitra, hoe, raha mbola mandeha ao amin'ny Fanahy foana izahay, tarihin'ny tènan'Andriamanitra, tsy mampaninona na dia toy ny hoe ratsy aza izany, dia mbola matrika an'i Kalvary foana izahay; hiteny amin'ilay ora marina Andriamanitra, amin'ilay fotoana marina.

³⁸ Ankehitriny, Andriamanitra Ray, hangataka famelàna ny fahotanay sy ireo helokay izahay. Hangataka Ny Fanahinao hitarika anay izahay. Tariho izahay, tahaka ny nitarihan'ilay Voromailala an'ilay Zanak'ondry. Aoka izahay hankatò eo amin'izay rehetra mety hanjo anay, mahafantatra an'izao, hoe Andriamanitra dia miasa tsara amin'ny zavatra rehetra, ka hahafantatra fa hety tsara daholo izany.

³⁹ Mombà anay androany ao amin'ity fotoana ity. Mivavaka izahay mba Hamonjenao an'ireo izay azo vonjena, sy mikatsaka famonjena. Fenoy Fiainana Mandrakizay ireo, izay mikatsaka an'izany. Mivavaka izahay mba Hanasitrananao an'ireo izay marary sy ory, izay tonga, mitady fanasitranana. Dia hidera Anao izahay ny amin'izany. Mangataka an'izany amin'ny Anaran'Ny Zanakao izahay, Mpamorjinay, Jesosy Kristy. Amena.

⁴⁰ Ankehitriny, ao amin'ny firesahana izao maraina izao, dia maniry izahay ny hiantso ny fifantohanareo eo amin'ny lahateny izay nofidiako horesahina avy amin'ny: *Tamin'Io Andro Teo Kalvary Io*.

⁴¹ Toy ny hoe any ivelan'ny vanim-potoana kely ilay izy; tokony ho an'ny Zoma Masina ity. Kalvary dia tokony ho tsaroana isan'andro. Ary efa nandre betsaka ny amin'izany isika, namaky betsaka ny aminy. Efa nitory teo amin'izany ireo mpitoky teny, hatramin'ny fiandohan'ny fotoana. Efa nihira an'izany ireo mppihira, nanerana an'ireo taona. Efa nilaza mialoha an'izany ireo mpaminany, efajato taona talohan'ny mba nitrangany. Ary ireo mpaminanin'izao andro izao dia manondro indray hoe oviana no nitrangany. Tena andro iray lehibe izany! Izany no iray amin'ireo andro lehibe indrindra amin'ny andro rehetra izay hany natsidik'Andriamanitra teto an-tany.

⁴² Ary raha tena lehibe loatra ho an'ny taranak'olombelona izany, Kalvary, dia heveriko fa tsara ho antsika ny miverina indray ka mandinika, mahita fotsiny hoe inona no dikan'izany amintsika. Satria, azoko antoka, amin'ity ora efa tara izay iainantsika ity, dia mikatsaka ny maha-zava-dehibe rehetra an'Andriamanitra izay azontsika fantarina isika. Ary izay rehetra mety ho hitantsika, dia eto isika hianatra an'izany, mba hahita an'izay ho antsika, sy izay nataon'Andriamanitra ho antsika, ary hahita an'izay Nampanantenainy fa hatao ho antsika. Ary ho an'izany no ahatongavantsika aty ampiangonana. Izany no antony hitorian'ireo mpitoky teny, izany no antony ianarany sy isaintsainany ny Soratra, ary itadiavany

tsindrimandry, dia satria izy no mpanompo miharihary iray ho an'ny vahoakan'Andriamanitra. Ary miezaka izy ny hahita zavatra izay...izay tian'Andriamanitra ho lazaina amin'ny Vahoakany, zavatra izay hanampy azy ireo. Angamba, izany dia mety, hanameloka azy ireo ao amin'ny fahotany, saingy ho fanampiana iray hanangana azy ireo, mba hahafoizan'izy ireo ny fahotany ary avy eo dia hitsangana hanompo ny Tompo. Ary tokony hikatsaka an'ireo zavatra ireo ny mpitoriteny.

⁴³ Ary ity andro ity, satria tena zava-dehibe loatra, iray amin'ireo andro malaza indrindra, dia ndao isika hijery zavatra telo samihafa ny amin'ny dikan'io andro io amintsika. Afaka maka an-jatony isika. Fa, izao maraina izao, dia nisafidy zavatra telo samihafa fotosiny aho, iankinan'ny aina izay tiantsika ho jerena, mandrity ny fotoana vitsy manaraka, izay dikan'i Kalvary amintsika. Ary mivavaka aho mba hanamelohan'izany ny mpanota rehetra izay manatrika; hanao ny olo-masina rehetra handohalika amin'ny lohaliny; hanao ny olona marary rehetra hampiakatra ny finoany ho amin'Andriamanitra, ka handeha, sitrana; ny mpanota rehetra, voavonjy; ny mpiverin-dàlana rehetra hiverina, ka ho menatra ny tenany; ary ny olo-masina rehetra, hifaly, sady handray fihazonana vaovao sy fanantenana vaovao.

⁴⁴ Ny zavatra malaza iray, zava-dehibe izay dikan'i Kalvary amintsika sy izao tontolo izao, dia, izany no mandamina ny momba ny fahotana, indray mandeha monja. Hita fa meloka amin'ny fahotana ny olona. Ary ny fahotana dia sazy iray izay tsy hain'ny olona haloa. Lehibe loatra ilay sazy hany ka tsy nisy olona iray afaka nandoa an'ilay sazy. Mino marina tokoa aho fa tahaka an'izany no nandaharan'Andriamanitra azy, hoe ho lehibe loatra ilay sazy ka tsy misy olona afaka handoa azy, mba Hahafahany manao an'ilay izy, Izy tenany. Ankehitriny, ny sazin'ny fahotana dia ny fahafatesana. Ary teraka tamin'ny ota isika rehetra, notorotoroina tamin'ny heloka, tonga teto amin'izao tontolo izao, niteny lainga. Noho izany dia tsy nisy iray tamintsika izay mendrika, na, tsy afaka nahita anankiray teto an-tany izy ireo izay mendrika.

⁴⁵ Ary tsy nanomboka teto an-tany ny fahotana. Ny fahotana dia nanomboka tany An-danitra. Losi-...dia...Losifera, ilay devoly, dia zava-boahary voaozona iray, nohon'ny tsifankatoavany, talohan'ny hany nahatongavany teto an-tany. Nanomboka tany An-danitra ny fahotana, rehefa nametraka an'ireo Anjely Andriamanitra, sy ny sisa, teo amin'ny fototra iray ihany izay Nametrahany ny olombelona; fahalalana, ny hazon'ny fahalalana, ny hazon'Aina sy ny hazon'ny fahalalana, izay nahafahan'ny olona nanao ny safidiny. Ary rehefa nomena an'i Losifera ireo fahamboniana, mba hanaovana ny safidiny, dia nila zavatra tsaratsara kokoa noho izay nananan'Andriamanitra izy. Izany no nanomboka an'ilay olana.

⁴⁶ Ary nisy fitakiana iray ho an'ny fahotana. Ilay fitakiana dia ny fahafatesana. Ny fahafatesana no sazy. Ary, izany dia, afaka miditra ao amin'ireo antsipiriany lehibe an'izany isika, satria tsy mino aho fa hoe tsy misy afa-tsy iray ny fahafatesana. Misy ny Fiainana iray. Ary mino aho fa ny olona anankiray izay manana Fiainana Mandrakizay dia tsy mety ho faty mihitsy. Ary mino aho fa misy ny fandringanana tanteraka iray an'ilay fanahy izay manota, satria hoy ny Baiboly hoe, "Ny fanahy izay manota, dia azo antoka fa ho faty." Tsy ilay olona; "ny fanahy izay manota." Noho izany, azo antoka fa tsy maintsy ho faty i Satana, mba ho rava tanteraka. Toy ny ahoana no tsy ifanarahako amin'ireo mpahay ny momban'izao tontolo izao izay milaza hoe ho voavonjy i Satana! Nanota izy, ary izy no mpanao ny fahotana. Fa nanota ny fanahiny; ary fanahy iray izy. Io fanahy io dia ho ringana tanteraka, mba tsy hisy na inona na inona ho tavela avy aminy.

⁴⁷ Ary rehefa tonga teto an-tany ny fahotana, tany amin'ny fiandohana tany, tahaka ny lamban'aizina iray nilatsaka avy tany an-danitra, dia nanao ny tany halemy ara-bakiteny izany. Izany no nanipy ny zava-boahary rehetra, teto an-tany, sy ny famoronan'Andriamanitra rehetra, tany amin'ny fanandevozana. Ny olona dia teo ambanin'ny fanandevozan'ny fahafatesana, aretina, olana, alahelo. Lavo niaraka tamin'izany ny natiora rehetra. Ny fahotana dia fampatoriana iray izay nanao ny tany halemy tokoa. Ary napetraka teto isika tamin'izay fotoana izay, tsy nisy fanantenana, satria teo ambanin'izany ny zava-boahary rehetra teto ambonin'ny tany. Ary ny olona rehetra izay teraka teto ambonin'ny tany dia teo ambanin'izany.

⁴⁸ Noho izany, ilay izy dia tsy maintsy tonga avy amin'ny Toerana iray izay tsy nisy fahotana. Izany dia tsy mety ho avy eto an-tany. Tsy afaka manavotra ny hafa ny anankiray amintsika. Izany dia tsy maintsy avy any amin'ny Hafa iray.

⁴⁹ Noho izany, rehefa fantatry ny olona fa tafasaraka tamin'ny Andriamaniny izy, dia lasa mpirenirenny iray. Nitomany izy ireo. Niantsoantso izy ireo. Niasa mafy izy ireo. Nirenirenny izy ireo, nanerana an'ireo tendrombohitra sy nanerana ny tany efitra, nitady Tanàna iray izay Andriamanitra no mpanorina sy mpanao. Satria, fantany fa raha mba tafaverina eo amin'ny Fanatrehan'Andriamanitra izy, dia ho afaka hiresaka ny amin'izany miaraka Aminy. Saingy tsy nisy lâlana niverenana. Lasa very izy. Tsy fantany hoe iza no lâlana hiverenana, noho izany nivoaka fotsiny izy, nirenirenny, niezaka ny nitady tany ho any an'izay ahafahany mahita lâlana iray hiverenana mankany amin'io Toerana io. Nisy zavatra iray tao anatiny tao niteny taminy fa izy dia avy any amin'ny—ny Toerana iray izay tanteraka. Tsy misy olona iray ato amin'ity mpanatrika hita maso ity, izao maraina izao, na ao amin'ny mpanatrika amin'ny horonam-peo, izay handehanany manodidina an'izao tontolo

izao, tsy misy anankiray eto, na aiza na aiza, ka tsy mitady an'io fahatanterahana io.

⁵⁰ Mandoa ny faktioranareo ianareo, dia mihevitra hoe, "Hilamina hatreo izany." Rehefa voaloanareo ny faktioranareo, amin'izay fotoana izay dia misy olona iray marary ao amin'ny fianakavianareo. Rehefa mety tsara daholo ny amin'ilay aretina, amin'izay fotoana izay dia manana faktiora amboniny haloa ianareo. Ny zavatra voalohany fantatrareo, dia mivadika ho fotsy ny volonareo, ary amin'izay fotoana izay dia te-hiverina ho tanora ianareo. Fa misy zavatra iray foana, tsy ankitsahatra, ary noho io onjam-pahotana io. Saingy ao am-ponareo, satria mitady an'izany ianareo, dia maneho fa misy Fahatanterahana iray any ho any. Any ho any, dia misy zavatra iray.

⁵¹ Izany no antony, matetika, amin'izao andro izao, izay mbola mampirenireny ny mpanota iray. Tovovavy iray tsara tarehy, tanora dia hanapaka ny fitambaran'ny volony, mba halaza; handoko ny tarehiny, mba hanao azy ho lasa tsara tarehy; hanao akanjo mba hampiseho ny endriky ny vatany. Satria, izany ihany no zavatra izay mety ho hitany, mahita any ho any mba hiezaka hahita zavatra iray hiverina aminy, rehefa afaka manao an'ireo lehilahy hisioka azy izy, hikopaka azy, hisakaiza aminy. Ny tovolahy dia hanao an'ilay zavatra iray ihany amin'ny vehivavy, miezaka hanao ny tenany hahasarika azy. Hanorina trano iray ireo mpiara-monina, ary hanamboatra azy amin'ny fomba iray, satria ho tsaratsara kely kokoa nohon'ny toeran'ilay mpiara-monina aminy izany. Izany foana ilay izy, mitady zavatra iray isika, ary misy zavatra kely foana ambonin'izany. Ny ramatoa tanora dia hahita ramatoa tanora hafa iray izay malaza kokoa noho izy. Ny mpiara-monina dia hahita trano iray izay toa tsaratsara kokoa nohon'ny azy. Ny vehivavy dia hahita vehivavy hafa iray miakanjo amin'ny fomba iray, izay toa tsaratsara kokoa nohon'ny anaovany.

⁵² Zavatra iray ao anatintsika izany, izay mitady zavatra iray, ary izany no maneho fa very isika. Tiantsika ny hahita an'io zavatra izay hitondra antsika ho eo amin'io fahafaham-po io, izay hameno an'io toeran'ny hanoanana ao anaty ao io, saingy toy ny hoe tsy afaka mahita an'izany isika. Nanandrana an'izany nanerana an'ireo taona ny olombelona. Nitomany an'izany izy ireo. Niantsoantsi izy ireo. Nanao ny zavatra rehetra izay fantany hoe ahoana no anaovana azy izy ireo, saingy mbola tsy nahita an'izany foana, nirenireny nanerana an'izao tontolo izao.

⁵³ Farany, indray andro, izany io andron'i Kalvary io, nisy Anankiray nidina avy tany amin'ny Voninahitra. Anankiray, amin'ny Anarana hoe Jesosy Kristy, ilay Zanak'Andriamanitra, Izay avy tany amin'ny Voninahitra, ary dia naka endrika i Kalvary. Izany ilay andro izay nahavoaloa ny vidiny, ary voalamina mandrakizay ny resaka fahotana. Ary izany no nanokatra ny lâlana mankany amin'io zavatra izay maha-noana

sy mampangetaheta antsika io. Izany no nitondra toeran'ny fahafaham-po iray. Tsy misy olona izay hany nitsidika an'i Kalvary, sy nahita azy araky ny naха-izy azy, ka afaka ny hitovy amin'izay naха-izy azy hatramin'izay. Ny zavatra rehetra izay niriany hatramin'izay na niriany fatratra, dia tanteraka, rehefa tonga eo amin'io toerana io izy.

⁵⁴ Tena andro lehibe iray izany, ary tena zavatra lehibe iray, nanozongozona an'izao tontolo izao. Nanozongozona an'izao tontolo izao izany, toy ny hoe tsy mbola nihozongozonany mihitsy tany aloha. Rehefa maty teo Kalvary Jesosy ka nandoa ny resaka fahotana, dia nanana aizina tanteraka izao tontolo izao mpanota. Silentika teo afovoan'ny andro ny masoandro, nanana korontam-piankohofana izy. Ary nihozongozona ireo vatolampy, nitresaka ireo tendrombohitra, ary nipotsaka avy tao am-pasana ireo vatana maty.

⁵⁵ Inona no nataon'izany? Nanitsy avy hatrany Andriamanitra, teo Kalvary. Noratrainy io biby io, nantsoina hoe Satana, mandrakizay. Ankehitriny dia miha-masiaka hatrany izy nanomboka tamin'io, satria izany no nitondra Hazavana ho an'ny taranak'olombelona. Ary mahafantatra ny rehetra fa ny biby maratra iray dia ao amin'ny fahasiahany indrindra, mandady manodidina miaraka amin'ny lamosiny tapaka. Ankehitriny, resy tanteraka i Satana, teo Kalvary. Ny tany no nanaporofo fa izany izy.

⁵⁶ Ilay vidiny lehibe indrindra izay hany naloa, ary ilay hany Tokana izay afaka nandoa azy, no tonga ka nanao an'izany teo Kalvary. Teo no voaloa ilay vidiny lehibe. Izany no iray amin'ireo zavatra. Andriamanitra no nitaky an'izany. Tsy nisy olona mendrika. Tsy nisy olona nahavita. Tsy nisy olona afaka nanao an'izany. Fa tonga Andriamanitra, Izy tenany, ary tonga olombelona, ary niaina fiainan'olombelona iray, teo ambanin'ny fanirian'olombelona, ka nohomboana teo Kalvary. Ary teo, rehefa nihevitra i Satana fa tsy hanao an'izany Izy, tsy handeha hatramin'ny farany Izy, niaritra an'i Getsemane Izy sy ny fakampahahy rehetra izay hany niaretan'ny olona. Niaritra an'izany tahaka ny lehilahy rehetra Izy, saingy Naloany ny vidiny.

⁵⁷ Ary izany no nanamaizina tanteraka ny tany. Tahaka ny fampatoriana iray, ho an'ny fandidiana iray. Rehefa manome fampatoriana ho an'ny olona anankiray ny dokotera, dia toraniny izy aloha, alohan'ny ahafahany manao an'izany. Ary rehefa Andriamanitra no nanome ny-ny fandidiana ho an'ny Fiangonana, dia nahazo fampatoriana iray izao tontolo izao, nanana hovitrovitra iray ny natiora. Tsy mahagaga! Andriamanitra, tao amin'ny nofon'olombelona, dia teo am-pahafatesana. Izany ilay ora izay nandrasan'izao tontolo izao, kanefa maro tamin'izy ireo no tsy nahafantatra an'izany.

⁵⁸ Mitovy amin'izany amin'izao andro izao, maro no niandry an'ireo zavatra ireo, kanefa tsy mahafantatra azy ireny izy ireo. Tsy fantany ny lèlana mivoaka. Mbola miezaka foana izy ireo ny hitady fahafinaretana sy ireo zavatr'izao tontolo izao, miezaka ny hahita ny lèlany mivoaka.

⁵⁹ Efa nisy, efa maro ireo andrim-pamantarana izay nanondro an'io andro io, maro ireo aloka mialoha lehibe. Efa voaaloka mialoha izany tamin'ny alàlan'ilay zanak'ondry, tamin'ny alàlan'ireo ombilahy, tamin'ny alàlan'ireo zana-domohina, sy ireo zavatra rehetra ireo, kanefa dia tsy afaka namaha an'ilay izy izany. Tsy afaka namaha an'io fihazonan'ny fahafatesana io izany, izay nihazonan'i Satana ny tany.

⁶⁰ Ireo tena vatomampy mihitsy izay nandehanany indray mandeha, nandroso-sy-niverina teto ambonin'ny tany, ireo vaingam-bato nirehitra! Losifera no zanaky ny maraina, ary nandeha teto an-tany izy raha mbola volokano nirehitra izany. Ireo vatomampy iray ihany ireo izay nangatsiaka, rehefa maty teo Kalvary Jesosy, no nandò nivoaka avy tao amin'ny tany.

⁶¹ Ilay vidiny izay voaloa, ary ny fanandevalozan'i Satana dia nivaha. Napetrak'Andriamanitra teo an-tanàn'ny olona, ny lèlana iray hiverenana mankany amin'izay tadiaviny. Tsy mila mitomany intsony izy. Ny famelezana, rehefa nanapaka ny taolan-damosin'i Satana Izzy, tany Kalvary tany, ilay taolan-damosin'ny fahotana, an'ny aretina! Ary izany no mitondra ny vatana mety maty rehetra, eto an-tany, miverina ao amin'ny Fanatrehan'Andriamanitra, miaraka amin'ireo fahotana voavela. Haleloia! Voavela ny fahotantsika. Tsy afaka manamaizina antsika ho lavitra an'Andriamanitra intsony i Satana.

⁶² Misy lèla-malalaka iray natao. Misy telefona iray mipetraka eo. Misy laharana iray mankany amin'ny Voninahitra, mitondra ny olona rehetra ao amin'ny fahazoana an'io laharana io. Raha feno fahotana ny olona iray, dia izany no nampifandray azy tamin'ny foibe. Afaka ny ho voavela amin'io fahotana io izy. Tsy izany ihany, fa efa voaloa io fahotana io. Oh! Tsy mila milaza ianareo hoe, "Tsy mendrika aho." Azo antoka, tsy mendrika ianareo, tsy ho afaka ny ho izany mihitsy ianareo. Fa Anankiray mendrika iray no naka ny toeranareo. Afaka ianareo. Tsy mila mirenireny intsony ianareo. Tsy mila ny ho olona mpitady fahafinaretana eto an-tany eto ianareo.

Fa misy loharano iray feno Rà,
Nosintonina avy amin'ny lèlàn-dràn'Imanoela,
Rehefa mitsoboka ao ambanin'ilay riaka ny
mpanota,
Dia very ny pentimpentin'ny fahadisoany rehetra.

⁶³ Tsy mila ny ho very ianareo. Misy lèla-malalaka iray, sy Lèlana iray, ary izany dia antsoina hoe ny Lèlàn'ny

fahamasinana. Tsy handalo eo ny tsy madio. Satria, mandalo eo amin'ilay loharano izy, aloha, ary avy eo izy vao miditra amin'ilay lèla-malalaka.

⁶⁴ Novahany ireo fahefan'i Satana. Nosokafany ireo varavarany tranomaizin'ny helo, ho an'ny olona rehetra izay voahidy, eto amin'ity tany ity, tao amin'ireo tranomaizina, izay natahotra fa hoe rehefa maty izy, dia ho inona ny fahafatesana aminy. Teo Kalvary, dia Nosokafany ireo varavarany fonja, namela ny babo rehetra ho afaka. Tsy mila ny ho potipotehin'ny fahotana intsony ianareo. Tsy mila ny manolotra ny mambranareo hanota intsony ianareo, misotro, mifoka, miloka, miteny lainga. Afaka ny hahitsy fo ianareo, marina, ary mahitsy. Fa tsy afaka manao na inona na inona amin'izany i Satana, satria nihazona tady iray ianareo, tadin'Aina iray izay mifikitra eo amin'ilay Vatolampin'ireo Taona. Tsy misy na inona na inona afaka hanozongozona anareo hiala eo amin'Izany. Tsy misy rivotra afaka hanozongozona anareo hiala eo amin'Izany. Tsy misy na inona na inona, na dia ny fahafatesana izy tenany aza, dia tsy afaka manasaraka antsika amin'ny fitiavana an'Andriamanitra izay ao amin'i Kristy Jesosy. Izany no dikan'i Kalvary.

⁶⁵ Nohafahana ireo olona izay tao anatin'ny fanandevozana. Tsy natahotra fahafatesana intsony ireo olona izay teo ambanin'ny tahotry ny fahafatesana fahiny. Ny olona iray izay maniry mafy Tanàna iray, izay ny mpanorina sy mpanao, dia Andriamanitra, dia afaka mandeha eo amin'ilay lèla-malalaka izy, ary mampitodika ny tavany mankany An-danitra, satria afaka izy. Haleloia! Navotana izy. Tsy mila mirenirenny intsony izy, satria misy lèlana iray an'ny fahafantarana na marina ianareo na tsia. Manome antsika ny Fiainana Andriamanitra. Lasa ireo fahotantsika. Io andro teo Kalvary io no nandoa ny vidiny. Rehefa hitantsika izany rehetra izany, tsy mahagaga raha nanoratra ilay poety hoe:

Teo afovoan'ireo vatolampy nitresaka sy ireo lanitra niha-maizina
No nanondrika ny Lohany ny Mpamonjiko ary maty.
Ny fanokafana ny voaly no nanambara ny Lèlana Mankany amin'ny fifalian'ny Lanitra sy andro tsy manam-pahataperana.

⁶⁶ Tsy mila mirenirenny intsony i Abrahama, manerana an'ilay firenena, nitady tanàna iray. Tsy mila manontany intsony ny mpanota, na afaka ny ho vonjena izy na tsia. Tsy mila manontany intsony ny marary na afaka ny ho sitrana izy na tsia. Ilay voaly nisokatra, tamin'io andro teo Kalvary io, no nanambara an'ilay Lèlana nankany amin'ny fandresena manontolo. Nomen'Andriamanitra antsika ireo herin'Ny Fanahiny, mba hiaina am-pandresena eo amin'ireo zavatra

rehetra ireo; mangataka antsika fotsiny mba hino an'izany. Izany no nitranga tamin'io andro teo Kalvary io. Tsy nisy andro iray tahaka azy mihitsy. Tsy hisy andro iray tahaka azy mihitsy. Tsy ilaina intsony izany. Voaloa ilay vidiny, ary navotana isika. Isaorana anie Andriamanitra! Navotana isika. Tsy misy intsony ny tokony hanontaniana mikasika an'izany. Tsy misy intsony ny faminavinana mikasika an'izany. Efa nesorina izany rehetra izany. Ilay voaly no nampidina ny lamban'efitra, ka napetraka teo amin'ny lèla-malalaka iray isika, tsy ny hanontany intsony, fa ny hino sy handeha hanohy avy hatrany fotsiny. Mandeha avy hatrany ao amin'ny tena Fanatrehan'Andriamanitra isika.

⁶⁷ Nahafantatra i Abrahama, ary ireo hafa dia nahafantatra, fa raha mbola nitady an'ilay Tanàna izy ireo, dia fantany fa avy Tany ho any izy ireo. Nisy zavatra nitranga. Niaina tao amin'ny tany nalemy iray izy ireo. Tonga ireo horohorontany. Tonga ireo tafio-drivotra. Ireo ady sy famonoana! Nifampihinana ny amboadia sy ny zanak'ondry, na ny amboadia no nihinana ny zanak'ondry, ary ny liona mihinana ny omby. Toa tsy mety ilay izy. Misy zavatra tsy mety ao. Fantany fa nisy zavatra tsy nety tao. Ireo lehilahy sy rahalahy mamono rahalahy; ny ray mamono ny zanaka, ny zanaka mamono ny ray. Misy zavatra tsy mety ao. Miha-antitra izy. Eo am-pahafatesana izy. Miha-mihena izy. Eo aminy ny aretina. Ao anatin'ny fanandevozana izy. Maniry ireo hazo, saingy tsy hoe tsy mety maty. Maty izy ireo. Miova ireo tendrombohitra. Maina ireo ranomasina. Ritra ireo rano. Misy zavatra tsy mety ao. Ary nitady toerana iray izy, Tanàna iray izay tsy nitrangan'izany intsony. Fantany, fa raha mba afaka hiverina eo amin'ny Fanatrehan'ilay Anankiray izay nanao an'izany ho tsara izy, dia afaka hiresaka an'izany Aminy.

⁶⁸ Oh, tombontsoa iray toy ny inona, ry mpanota, izany, izao maraina izao, ny mahafantatra fa manana Lèlana iray ianareo ankehitriny. Io andro teo Kalvary io no nanokatra ny lèlana. Satria izay nokatsahina sy notadiavin'ireo patriarcha rehetra ireo, dia i Kalvary no nanome anareo an'izany, malalaka. Ahoana no handàvanareo an'izany? Ahoana no handàvanareo an'izany, mba hikambana amin'ny anarampiangonana iray? Ahoana no handàvanareo an'izany, mba hanolo an'izany ho zavatra hafa, ireo fahafinaretan'izao tontolo izao? Nahoana no tsy manaiky an'izany? Ilay voaly misokatra no mamerina ny olona avy hatrany ao amin'ny Fanatrehan'Andriamanitra, tsy misy fahotana eo aminy, amin'ny karazany rehetra. Ary mametrakà lèlana iray eo anoloany, mankany amin'ilay zavatra izay tadiaviny: Lanitra, voninahittra, fiadanana, Fiainana Mandrakizay, ny zavatra rehetra eo anoloany.

⁶⁹ Io andro io no—no kapo-pahafatesana ho an'ny fahefan'i Satana. Izany no namarana ny zavatra rehetra.

⁷⁰ Ary afaka mahita Azy aho tany; Izy no zanak'ondrin'i Edena, avy tamin'ilay aloka voalohany indrindra izay nivoaka avy tamin'izany.

⁷¹ Rehefa i Abela, tamin'ny finoana, no nanolotra fanatitra iray tsara indrindra noho i Kaina ho an'Andriamanitra, dia tsy maintsynofatorany ny—ny tahom-boaloboka iray nanodidina ny tendan'ilay zanak'ondry, nitarika azy teo amin'ny vatomampy. Naka ny—ny vato iray teny an-tanany, ho lefona iray, ary nanondrika ny loha keliny, ka nitetika sy nikapa azy mandrapahafatiny. Ary nandro tamin'ny ràny manokana ny volony. Nihosona tao amin'ny ràny izy. Aloka iray izany.

⁷² Fa teo amin'io andro teo Kalvary io, dia tsy nisy zanak'ondry iray teto amin'ity tany ity, fa ny Zanak'ondrin'Andriamanitra, izay teo am-pahafatesana, no nihosona tao amin'Ny Ràny Manokana. Nokapaina Izy, sy notetehina, sy nokapohina, sy nororana, sy novelesina, ary nofelahana, sy ny sisa, avy amin'izao tontolo izao, ka nitete avy tao amin'ireo Volon-dohany ny Rà.

⁷³ Rehefa maty ny zanak'ondrin'i Abela, maty izy, dia niteny tamin'ny fiteny izay tsy nety azon'i Abela. Nibarareoka izy.

⁷⁴ Ary rehefa maty ny Zanak'ondrin'Andriamanitra tamin'io andro teo Kalvary io, dia niteny tamin'ny fiteny iray Izy ka tsy nisy olona nahazo Azy. "Andriamanitro, Andriamanitro, nahoana no nahafoy Ahy Ianao?" Izany no Zanak'ondrin'Andriamanitra, voakapa potipotika, voatetika.

⁷⁵ Izy no tena Zanak'ondry izay nananan'i Abela tao an-tsainy, rehefa nahita an'ilay Taranaky ny vehivavy nampanantenaina izy. Izy no Zanak'ondry izay hitan'i Daniela, izay niendaka tamin'ny tendrombohitra iray, tsy tamin'ny tanana. Izy no Kodia teo afovoan'ny kodia, ho an'ilay mpaminany. Izay rehetra hitan'izy ireo mialoha dia tanteraka tamin'io andro io, tamin'io andro teo Kalvary io. Izany no nitondra an'ilay zavatra lehibe. Izany no nanapaka ny lamosin'i Satana.

⁷⁶ Voalohany, tsy maintsy nitady isika hoe inona no dikan'io andro io. Faharoa, tsy maintsy mahita isika hoe inona no nataon'io andro io ho antsika, ankehitriny, inona no nataon'izany ho antsika. Ankehitriny, fahatelo, ndao isika hijery hoe inona no tokony hataantsika ho an'io andro io. Inona no tokony ataantsika?

⁷⁷ Voalohany, tsy maintsy mandinika an'izany isika, satria andro malaza iray izany, ny malaza indrindra amin'ny andro rehetra. Voalamina ny vidin'ny fahotana. Rava ny fahefan'i Satana.

⁷⁸ Ary ankehitriny dia tantsika ny hahita an'izay tokony hataantsika ho valiny. Ankehitriny, ho valiny, rehefa maty teo Kalvary Jesosy, teo Kalvary tamin'io andro io, dia tsy nandoa fotsiny an'ilay vidiny ho an'ny fahotantsika Izy, fa nandoa an'ilay vidiny ihany koa Izy sady nanao làlana iray

izay azontsika hanarahana Azy; satria isika, amin'ny maha-Adama lavo izay navotana. Satria ny Fanahy no nitarika an'i Adama (ilay Adama voalohany) tamin'ny Fanahy, izay nanana ny fifehezana ny natiora rehetra, noho izany isika (ilay Adama faharoa), na ireo olona eto an-tany izay efa navotan'i Kristy, nanomboka tamin'ny andron'i Kalvary, dia afaka manaraka Azy. Ankehitriny, rehefa maty teo Kalvary Izzy, dia nanao lèlana iray Izzy. Nanolotra ny Fanahy Izzy, ny Fanahy Masina, izay namerina Azy teto an-tany, ho ahy sy anareo mba hiainana. Izany no dikan'i Kalvary ho antsika, mba hanarahana Azy.

⁷⁹ Voalohany, diniho izany, jereo hoe inona no nataony ho antsika. Ary ankehitriny dia inona no tsy maintsy hataantsika eo am-pijerena azy? Inona no tsy maintsy hataonareo sy hataoko?

⁸⁰ Ankehitriny, hoy isika hoe, “Eny, izaho—mankasitraka an’izany aho. Tena tsara izany.” Fa tsy maintsy manaiky an’izany isika. Ary ny manaiky an’izany, dia manaiky ny maha-Olona Azy, Kristy ao am-pontsika.

⁸¹ Amin’izay fotoana izay, dia afaka amin’ny fahotana isika, noho izany dia tsy misy rojom-pahotana mihantona eo amintsika, mihitsy. Andriamanitra, toy ny hoe tsy nanota mihitsy fotsiny isika, ilay Fanatitra tanteraka no nanao antsika ho tanteraka. Satria, hoy Jesosy hoe, “Aoka ho tanteraka ianareo, tahaka ny Rainareo any An-danitra izay tanteraka mihitsy aza.” Noho izany, tsy misy na inona na inona hatao intsony, fa nataeo tanteraka ao amin’ny Fanatrehan’Andriamanitra isika.

⁸² Ankehitriny, eo no ahaverezantsika ny toerantsika. Raha tsy mitandrina isika, dia miezaka mijery any aoriana eo amin’izay naha-izy antsika. Ary raha mbola mijery any aoriana teo amin’izay naha-izy antsika foana isika, dia tsy midika na inona na inona ho antsika ilay Fanatitra. Oh, tsy afaka mahita an’izany ve ianareo, ry fiangonana? [Hoy ny fiangonana hoe, “Amena.”—Mpand.] Tsy ho tiako... Tsy ho tiako ny hanandrana an’ilay asa. Tsy vitako, ary tsy vitanareo koa. Tsy ilaina ny manandrana. Very ianareo, eo am-panombohana, raha mbola mijery an’izay efa nataonareo foana. Fa aza mijery an’izay efa nataonareo.

⁸³ Jereo izay nataon’io andro teo Kalvary io ho anareo. Nandoa ny vidinareo izany. Nandamina an’ilay fanontaniana izany. “Raha toy ny jaky ny fahotanareo; dia ho fotsy toy ny oram-panala izy ireo. Raha mena tahaka ny sily; dia ho fotsy toy ny volon’ondry.” Noho izany dia tsy manana fahotana ianareo. Tsy manam-pahotana tanteraka ianareo. Tsy mampaninona izay nataonareo, na izay ataonareo, mbola tsy manam-pahotana foana ianareo. Raha mbola nanaiky an'i Jesosy Kristy ho Mpamonjinareo foana ianareo, dia voavela ny fahotanareo. Ny zavatra rehetra izay *voavela* dia “navela ary nohadinoina.”

⁸⁴ Amin'izay fotoana izay dia inona no ataon'izany? Izany dia manome anareo, aorian'io fepetra io, Ny Fanahiny, mba hanarahana Azy, ary manao tahaka ny Nataony, ho an'ireo hafa izay hanaraka. Lehilahy anankiray fotsiny Izy, ilay Lehilahy tanteraka. Nanome ny Ainy Izy, ary nanao ohatra iray ho anareo Izy. Ankehitriny dia inona no tsy maintsy ataontsika?

⁸⁵ Ankehitriny, ny zavatra voalohany izay tiako ho lazaina, dia, tsy nivelonha ho an'ny Tenany mihitsy Jesosy. Nolaniana ho an'ny hafa ny Fiainany. Izany no, tanteraka tokoa, Fiainana Mandrakizay. Rehefa milaza ianareo fa mandeha any am-piagonana, ary manao zavatra tsara ianareo, dia tsara izany. Fa rehefa miaina ny fiainanareo ho an'ny tenanareo ianareo, dia tsy manana Fiainana Mandrakizay. Ny Fiainana Mandrakizay, dia mivelona ho an'ny hafa. Izany no nanaporofo an'ilay izy rehefa tonga tao amin'ilay Zanak'ondrin'Andriamanitra Izany. Niaina Izy, ary nanana Fiainana Mandrakizay, satria tsy nivelonha ho an'ny Tenany Izy. Nivelona ho an'ny hafa Izy. Ary mandray Fiainana Mandrakizay ianareo, eo am-pandraisana an'io andro io, ka tsy mivelona ho an'ny tenanareo intsony. Mivelona ho an'ny hafa ianareo.

⁸⁶ Hoy ny olona iray hoe, "Ahoana no ahafahanao mahatanty, mamela ny olona rehetra hiantso anao amin'ireo anaran-dratsy tahaka an'izany?" Tsy mivelona ho an'ny tenanareo ianareo. Mivelona ho an'ny hafa ianareo, mba ahafahanareo manavotra an'io olona io. Lasa zanaka ianareo. Ary ny olana amin'ilay izy dia, adinon'ny fiagonana fa zanaka izy ireo. Zanaka iray ianareo. Maka ny toeran'i Kristy ianareo. Zanaka iray ianareo, noho izany dia aza mivelona ho an'ny tenanareo. Mivelòma ho an'ny hafa.

⁸⁷ "Eny, Rahalahy Branham, afaka mivelona ho an'ity rahalahy ity aho, satria azony antoka fa lehilahy mahafinaritra iray izy." Tsy izany ilay izy.

⁸⁸ Mivelòma ho an'ilay olona izay mankahala anareo. Mivelòma ho an'ilay olona izay hamono anareo raha azon'izy ireo hatao. Izany no nataon'izy ireo Taminy. Novonoin'izy ireo Izy, ary maty Izy, mba Ahafahanay mamonjy azy ireo. Izany no Fiainana Mandrakizay. Rehefa, ianareo, izany no ao an-tratranareo, dia miatrika ny Lanitra ianareo amin'izay fotoana izay. Fa mamoy ny zavatrareo manokana ianareo, mahafoy azy ireny, tahaka ny ondry manome ny volony. Mijery lavitra ianareo, mankany Kalvary.

⁸⁹ Manantena aho fa manampy anareo ho tonga eo amin'ny toerana iray ity. Ho an'ny tabernakla izany, ho an'ny olona rehetra, izay tokony hatao, dia ny mahita hoe inona ianareo, ary inona ilay tanjona. Ny fiagonana, tsy ny hitendry mozika fotsiny no andehanana any am-piagonana, hihiro hira. Ny

Fiangonana dia toerana iray izay misy fanitsiana. “Ny fitsarana dia manomboka ao amin’ny tranon’Andriamanitra.”

⁹⁰ “Tsy maintsy manao ny tenantsika ho maty isika, ary velona ho an’i Kristy.” Amin’izay fotoana izay, dia Izy no manao ny lèlana mba ahafahantsika mamoy ny tenantsika ho an’ny Asany, mba hanaraha Azy. Raha manaraka Azy isika, dia mitondra ny fiainana izay Niainany. Mahafinaritra izany.

⁹¹ Jesosy no nilaza, sy niresaka an’izany. Mamelà ahy hanome anareo andalana vitsivitsy eo amin’izany. Henoy tsara. Aza diso an’izany. Jesosy no nilaza, fa amin’izany Andro izany dia hanavaka ny olona Izy, tahaka ny ondry amin’ny osy. Ary hilaza amin’ny osy Izy hoe, “Mitsangàna eto amin’ny ankavia.” Ary amin’ny ondry hoe, “Mitsangàna eto amin’ny ankavanana.”

⁹² Ary hoy Izy tamin’ny osy hoe, “Mialà Amiko. Satria, noana Aho, fa tsy namahana Ahy ianareo. Tany an-tranomaizina Aho, fa tsy namangy Ahy ianareo. Nitanjaka Aho, fa tsy nampitafy Ahy ianareo. Nangetaheta Aho, fa tsy nanome Ahy hosotroina ianareo. Narary Aho, fa tsy namangy Ahy ianareo. Noho izany, mialà Amiko.”

⁹³ Ary teo amin’ny ondry, dia hoy Izy hoe, “Noana Aho, fa namahana Ahy ianareo. Nitanjaka Aho, fa nanome Ahy fitafiana ianareo. Narary Aho, fa nikarakara Ahy ianareo.”

⁹⁴ Ary mariho. Aza diso amin’ny fandraisana an’ity, ry fiangonana. Tehirizo ao am-ponareo ity, mandrakizay. Tena natao tsy am-pisainana mihitsy ilay izy! Tsy manao azy ho laharan’andraikitra ny olona. Ny olona iray izay manome zavatra ho an’ny iray hafa, satria hoe tokony hataony izany, ny olona iray izay mamahana anareo satria hoe tokony hataony izany, dia manana hevitra tia tena izy. Tokony ho tena fiainanareo mihitsy ilay izy, tena fihetsikareo mihitsy.

⁹⁵ Tena nahagaga an’ireo ondry ireo mihitsy izany, ka hoy izy ireo hoe, “Tompo, oviana Ianao no noana? Ka tsy namahana Anao izahay... Oviana Ianao no noana, ka namahana Anao izahay? Oviana Ianao no nitanjaka, ka nanome Anao fitafiana izahay? Oviana Ianao no nangetaheta, ka nanome Anao ho sotroina izahay? Oviana Ianao no narary, ka nikarakara Anao izahay?”

⁹⁶ Tena mandeha ho azy avy amin’ny fitiavana izany, Ny Fiainanao fotsiny no velona tao anatin’izy ireo. Andriamanitra, aoka ny olona hahita an’izay nataon’i Kalvary ho anay, tena mandeha ho azy.

“Oviana Ianao, Tompo? Tsy nahafantatra an’izany mihitsy izahay.”

⁹⁷ Jereo fa nitodika Jesosy ka nanao hoe, “Arak’izay nataonareo tamin’ireto, no nataonareo Tamiko.”

⁹⁸ Fiainana tsy tia tena; tsy ilay fisainana faharoa. Tsy ny mieritreritra mikasika an'izany; fa tena maty amin'ireo zavatr'ity izao tontolo izao ity ianareo, ary tena velona ao amin'i Kristy, sy tena mandeha eo amin'ilay lala-malalaka, ka zavatra iray mandeha ho azy fotsiny ireo zavatra ireo. Manao an'ilay izy fotsiny ianareo. Tsy manao hoe, "Eny, ankehitriny, ny Tompo no, Tompo, no tia ny hanaovako an'izany." Tsy izany ilay izy. Ianareo dia Ampahany fotsiny. Ny Fanahiny no ao anatinareo, ka mihetsika amin'ny fomba Nihetsehany ianareo. Ah! Raiso tsara izany.

⁹⁹ "Misy lalana iray izay toy ny hoe marina amin'ny olona, nefy fiafarany dia lalan'ny fahafatesana."

¹⁰⁰ "Tsy izay rehetra manao hoe, 'Tompo, Tompo,' no hiditra, fa ireo izay manao ny sitrapon'Ny Raiko," avy ao amin'ny fon'izy ireo fotsiny, am-pahalalahana fotsiny.

¹⁰¹ Ankehitriny, tamin'io andro teo Kalvary io no nandoavana an'ilay vidiny, mba hahatonga antsika ho tahaka an'izany.

¹⁰² Tsy manao hoe, "Fantatrao, i Jones mpitondratena indray mandeha dia... Tsy nanana saribao izy, dia nandeha aho ka nividy saribao kely ho azy. Teneniko aminao, nahita rahalahy iray izay nila palitao sy pataloa aho, dia nandeha ary nividy palitao sy pataloa ho azy. Isaorana Andriamanitra! Kristiana aho." Oh, oadray! Tia tena ianareo, mampalahelo, olona mahantre. Mpihatsaravelatsihy iray ianareo.

¹⁰³ "Aza avela ho fantatry ny tananao ankavanana izay ataon'ny ankavia, ary ny ankavia tsy hahafantatra izay ataon'ny ankavanana." Tena maty mandeha ho azy ao amin'i Kristy fotsiny, hany ka ataonareo izany, na ahoana na ahoana. Natioranareo izany. Fanapahan-kevitrareo izany. Ataonareo ilay izy, na ahoana na ahoana. Ilay Fiainana izay miaina ao anatinareo fotsiny izany. Manaiky tanteraka an'io Fanahy io ianareo, ary miaina fotsiny amin'ny Tenany ao anatinareo Izany. Oh, mahatsapa an'io Fanahy voatahy io ianareo, io Fiainana io! "Tsy izaho no velona," hoy i Paoly, "fa Kristy no velona ato anatiko," tena mandeha ho azy fotsiny.

¹⁰⁴ "Eny, teneniko aminao, Rahalahy Branham, Kristiana izahay eto. Izahay dia manampy an'ireto olona ireto. Izahay dia manampy an'iretsy olona iretsy." Oh, oadray! Mbà menatra. Tsy izany no Kristianisma.

¹⁰⁵ Ny Kristianisma dia tokony mandeha ho azy fotsiny. Tokony hatao ilay izy. Ary manadino ny mikasika an'izany fotsiny ianareo, ny rehetra mikasika an'izany hoe, "Tsy izaho." Mandehana, ataovy ilay izy.

¹⁰⁶ Nanolotra ny Fiainany manontolo ho an'Andriamanitra fotsiny Kristy. Nomeny ny Tenany, amin'ny maha-mpanompo miharihary iray, ho an'ny olona. Nomeny ny Ainy, malalaka. Tsy voatery nanao an'izany Izzy. Tsy nanao an'izany tsy an-

tsitrapo Izy. Tsy nilaza Izy hoe, “Ankehitriny, ry rahalahy, ianareo rehetra dia tokony hihevitra betsaka ny Amiko, satria tonga Aho mba ho faty ho anareo.” Tsy nilaza teny iray mikasika an’izany mihitsy Izy. Maty Izy, na ahoana na ahoana, satria Andriamanitra no tao Aminy.

¹⁰⁷ Izany no Andriamanitra ao aminareo, izany no Andriamanitra ao amiko, izay manao antsika hijery ny hafa. Ny ondry, eo amin’ny ilany iray.

¹⁰⁸ Hilaza ny iray amin’izy ireo hoe, “Eny, Tompo, izaho dia nanao an’ity. Ary, Tompo, izaho dia nanao an’itsy.”

¹⁰⁹ Hoy Izy hoe, “Mialà Amiko, ianareo mpanao meloka. Tsy nahafantatra anareo mihitsy akory aza Aho.”

¹¹⁰ Raha mba afaka ny ho tonga eo amin’ireo zava-misy lehibe ireo ny fiangonana, hoe ilay izy dia tsy zavatra izay ezahanareo atao, manery ny tenanareo hanao ianareo. Izany dia zavatra izay teraka tao anatinareo.

¹¹¹ Mamelà ahy, ry sakaimoko Pentekotista. Pentekotista aho. Saingy ireo sakaimoko Pentekotista dia tonga teo amin’ny toerana iray, teo amin’izay tsy maintsy nahatonga an’ilay izy ho-ho mozika haingana be, fikapohana zava-maneno, na fitehafan-tànana, na amponga tapaka, mba hitondra fikiakiahana iray. Fientanam-po fotsiny izany. Mitendry an’ireo zava-maneno izy ireo alohan’ny andehanany any amin’ny ady. Mampiditra ny olona ao anatin’ny fientanam-pon’ny ady izy ireo. Mino ny mozika aho. Mino ny fitehafan-tànana aho. Fa mino an’ireo zavatra ireo aho. Tena marina tokoa izany. Tokony banana an’izany isika.

¹¹² Saingy ireo zavatra lehibe no navelanareo tsy ho vita, dia ilay fiainam-panoloran-tena hoe velona ao anatinareo Andriamanitra, ny fanaovana an’izay marina mandeha ho azy satria izany no tsara. Manohy fotsiny, tsy mihevitra na inona na inona mikasika an’izany akory aza. Miaina fotsiny an’izany. Avy eo dia diniho, mahita an’izay miseho ianareo. Ianareo fotsiny... ianareo tsy... Eo amin’ilay lala-malalaka ianareo. Izany no dikan’i Kalvary aminareo, eo amin’ilay lala-malalaka, misokatra ho anareo tamin’io andro io.

¹¹³ Ankehitriny, tsarovy ankehitriny, tsy mety ho osy tapany ary ondry tapany ianareo. Tsy hifangaro izy ireo.

¹¹⁴ Ankehitriny, misy betsaka ny olona manao hoe, “Eny, fantatrao moa? Manana rafi-pandaminana iray izahay ao amin’ny vondronay. Izahay, manampy ny malahelo izahay. Manao an’ity izahay.” Tsara daholo izany, saingy mampaneno ny anjombonareo manokana mikasika an’izany ianareo. Aza manao an’izany ianareo.

¹¹⁵ “Ataovy ao amin’ny miafina ny fiantranareo,” hoy Jesosy. Mandeha ho azy fotsiny, zavatra ao aminareo, tsy mihoatra ny

mandeha, maka rano fisotro iray. Mangetaheta ianareo. Raha mangetaheta ilay olona eo akaiky, ianareo dia mihevitra ny aminy, ihany koa. Ny ilain'ilay olona eo akaiky, dia mihevitra azy toy izany koa ianareo toy ny hiheveranareo ny ilainareo manokana. Ary tsy taitra amin'izany ianareo. Manohy miaina fotsiny.

Ankehitriny, tsy afaka ny ho ondry tapany sy osy tapany ianareo.

¹¹⁶ Noho izany raha hoy ianareo hoe, “Eny, manana rafipandaminana iray ny fiangonanay. Manome ny malahelo izahay, ary izahay manao an’ity, sy manao an’itsy, ary manao ny *hafa*.”

¹¹⁷ Raha manana an’izany ianareo nefo tsy manana an’ilay hafa, ilay Fiainan’i Kristy ao anatinareo, dia foana tanteraka mihitsy ny anaovanareo an’ilay izy. Jesosy . . . Paoly no nilaza, Korintiana Voalohany 13 hoe, “Na dia omeko hamahanana ny malahelo aza ny fananako rehetra, ka hatolotro ho dorana ny vatako ho fanatitra iray, dia tsy mahasoa na inona na inona amiko izany.”

¹¹⁸ Ankehitriny, mafy ity, saingy izany no Fahamarinana. Tsy maintsy tonga eo amin’io zava-misy io ianareo, mahafantatra hoe inona no nataon’i Kalvary ho anareo. Mijery azy isika, ka manao hoe, “Oh, eny, tsara izany.” Tsy izany ilay izy. Raha tsy maintsy nandeha nankeny Kalvary io Zanak’Andriamanitra io, mba hohomboana, dia tsy maintsy mandeha mankenya Kalvary ny zanaka rehetra izay manatona. Tsy maintsy manana Kalvary iray ihany koa izy. Tsy maintsy manana an’io andron’i Kalvary io ianareo. Tsy maintsy manana an’io andron’i Kalvary io aho. Izany no mandamina ny mikasika ny fahotana. Tsy ny mandray ny tànan’ilay mpitory teny; tsy ny ho voaozongozona ao am-piagonana; tsy miditra amin’ny alàlan’ny taratasy; tsy miditra amin’ny alàlan’ny filazana. Fa miditra amin’ny alàlan’ny Fahaterahana iray. Tsy nanome taratasy iray mihitsy Izy. Tsy nanome filazana iray mihitsy Izy. Nanome Fahaterahana iray Izy. Tahaka an’izany no idirantsika. Noho izany, manomboka eo amin’io, dia miaina fiainana Kristiana mandeha ho azy isika.

¹¹⁹ Ankehitriny, fanamarihana hafa iray. Osy tapany, ondry tapany, tsy manana zavatra tahaka an’izany izy ireo. Na ianareo osy na ondry. Tsy osy tapany sy ondry tapany ianareo. Na ianareo osy na ondry.

¹²⁰ Ankehitriny, raha manao zavatra tsara fotsiny ianareo, ka mihevitra fa afaka hiditra, amin’ny alàlan’izany, amin’izay fotoana izay dia tsy tokony ho nisy ny andron’i Kalvary iray. Ny lalana no efa nanomana an’izany. Fa, satria nilaina ny andron’i Kalvary iray, dia ny hampidirana an’izany, mba tsy hahatonga antsika ho mambram-piagonana fotsiny, fa ho zanakalahy sy zanakavavin’Andriamanitra. Izany ilay andron’i Kalvary. Izany no dikany aminareo, mba hanaovanareo, sy hanarahanareo, ary hihetsehanareo tahaka an’i Jesosy.

¹²¹ Ankehitriny, tsy mikoriana mankany ambony sy ambany ny renirano, amin'ny fotoana iray. Mikoriana mankany amin'ny lèlana tokana ihany ny renirano. Ary ny Fanahin'Andriamanitra dia mandeha amin'ny lèlana tokana fotsiny. Tsy manafangaro zavatra miaraka Aminy Izy. Mandeha amin'ilay lèlana iray ihany.

¹²² Diniho Jesosy, eo am-pamaranana. Hoy Jesosy hoe, “Ireo asa izay Ataoko no hataonareo koa, ary hanao lehibe noho izany aza ianareo, satria mankany amin’Ny Raiko Aho.”

¹²³ Tsy dia ny fiangonana eto loatra no hilazako an’izao. Azonareo. Fa atao horonam-peo ireto Hafatra ireto. An’aliny no mihaino azy ireo, manerana an’izao tontolo izao.

¹²⁴ Hamaly an’ity fanontanian’ilay mpitsikera ity aho, izao ankehitriny izao. Mazàna aho no nilazana... nitenenana. Hoy izy ireo hoe, “Nahoana, mino ny Baiboly ve ianao? Hoy Jesosy hoe, ‘Treo asa izay Ataoko no hataonareo koa, ary hanao lehibe noho izany aza ianareo, satria mankany amin’Ny Raiko Aho.’”

¹²⁵ Ahoana no mahatonga anao ho ratsy, ramosé? Hatraiza no ahafahanao mirenireny lavitry ny famantarana, miaraka amin’ireo teolojia ara-pahaizanao, miaraka amin'ny fandraisana ara-tsainaon ny zavatra rehetra? Ry sakaizako tsara sy very, tsy mety ho azonao ve fa ity Baiboly ity dia voadika ara-panahy?

¹²⁶ Nisaotra ny Ray Jesosy fa Izany dia Nafeniny tamin’ilay nianatra, sy lalin-tsaina, sy hendry, ary manan-tsaina, ka nanambara an’Izany tamin’ireo zaza izay te-ho tonga eo Kalvary.

¹²⁷ Diniho ankehitriny. Jesosy no nilaza. Diniho hoe toy ny ahoana no Nanehoany azy. “Ireo asa izay Ataoko,” eo am-panaovana azy ireo Izy izao ankehitriny izao. “Ireo asa izay Ataoko ankehitriny, manasitrana ny marary, manangana ny maty, manokatra ny mason’ny jamba, ireo asa ireo no hataonareo koa. Hanao an’ireo ianareo raha mino Ahy. Manao an’ireo asa ireo ianareo. Ary avy eo dia lehibe noho izany aza no hataonareo, satria mankany amin’Ny Raiko Aho.”

¹²⁸ “Vetivety foana, dia tsy hahita Ahy intsony izao tontolo izao, kanefa ianareo no hahita Ahy. Homba anareo Aho, ho ao aminareo mihitsy aza, hatramin’ny fiafaran’izao tontolo izao. Tsy hamela anareo ho kamboty Aho. Hivavaka amin’ny Ray Aho; Izy no handefa Mpampionona hafa iray ho anareo, dia ny Fanahy Masina, izay tsy hain’izao tontolo izao raisina; kanefa, ianareo no afaka mandray Azy.”

¹²⁹ Mariho ankehitriny. Ireo asa “lehibe noho,” dia ny manana ny Hery ao amin'ny Fiangonana, tsy ny manasitrana ny marary amin'ny vavaka fotsiny, mandroaka devoly amin'ny vavaka, fa ny mampita ny Fiainana Mandrakizay amin’ireo mpino. Tonga ny Fanahy Masina, ary nomena teo an-tànан’ny Fiangonana, mba hampita Fiainana. Oh! Izany no dikan’i Kalvary. Izany

no nandray an'ireo lehilahy sy vehivavy ambany, nietry, ka nampiakatra azy ireo teo amin'ny toerana iray, mba ho tonga zanakalahy sy zanakavavin'Andriamanitra, hanasitrana ny marary sy hampita Fiainana Mandrakizay; amin'ny fanomezana ny Fanahy Masina amin'ireo mpino mankatò, ireo olona izay tsy mpino fahiny, dia tonga mpino, ary mampita ara-panahy, ny Fiainana Mandrakizay. Lehibe kokoa toy ny ahoana izany, ny milaza . . .

¹³⁰ Ity vehivavy marary mandry eto ity, afaka mivavaka vavaky ny finoana iray aho dia ho sitrana izy. Izany no zavatra anankiray lehibe. Izany no Nataony tamin'izany fotoana izany.

¹³¹ “Fa,” hoy Izy, “hanao asa lehibe noho izany aza ianareo. Hanome anareo ny Hery Aho, tsy ny hanangana azy vetivety fotsiny ihany, fa ny hanome azy Fiainana Mandrakizay, izay ho Mandrakizay, mandrakizay.” Ry malahelo, jamba, olona mahantre, ahoana no hahadiso anareo amin'izany? Tsy hitanareo ve hoe inona ilay zavatra “lehibe noho”? Izany no zavatra lehibe indrindra izay hany afaka hitranga, dia ny mampita Fiainana Mandrakizay amin'ny olona. Inona ny Fiainana Mandrakizay? Ilay Fiainana izay Niainany, ilay Fiainana izay tao Aminy, mampita an'Izany amin'ny hafa. Afaka manao an'izany ve ny olona iray? Ny zanak'Andriamanitra iray dia afaka.

¹³² Hoy Jesosy hoe, “Na fahotan’iza na iza no avelanareo, dia avela amin’izy ireo izany; na fahotan’iza na iza no tazoninareo, dia tazonina amin’izy ireo izany.”

¹³³ Ankehitriny dia eto no nanaovan’ny fiangonana Katolika sy ireo hafa maro ny fahadisoany goavana. Tonga izy ireo ka manao hoe, “Mamela ny fahotanareo aho.” Tsy izany ilay izy.

¹³⁴ Ahoana no hamelan’izy ireo ny fahotana, ao amin'ny Baiboly? Namaly an'io fanontaniana io i Petera, tamin'ny Andron'ny Pentekosta. Hoy izy ireo hoe, “Inona no azonay hatao mba ho vonjena? Ahoana no ahafahanay hahazo an'Io izay azonareo rehetra io?” Napetrany ilay fitsipika. Noteneniny tamin’izy ireo izay hatao.

¹³⁵ Hoy izy hoe, “Mibebaha, ny tsirairay avy aminareo, amin'Andriamanitra, ary aoka hatao batisa amin'ny Anaran'i Jesosy Kristy.” Ho an’ny inona? Ny famelana ny fahotanareo. Izany ireo asa “lehibe noho”.

¹³⁶ Firy, ianareo mpitoky teny izao maraina izao, firey, ianareo izay mihaino ny Teniko eo amin'ny horonam-peo, no manaiky handeha eny Kalvary izao maraina izao? Dia jereo eo izay nataon'Andriamanitra ho anareo. Dia afoizo ireo fanekempinoana ara-anaram-piangonanareo, ka torio ny Filazantsara. Haleloia! Eo amin'ny lohalikareo izany ankehitriny. Inona no hataonareo amin'Izany?

¹³⁷ “Fa amin’Ny Anarany no tsy maintsy itoriana ny fibebahana sy ny famelana ny fahotana, any amin’izao tontolo rehetra

izao, manomboka ao Jerosalema.” Haleloia! Voninahitra! Eo ianareo izao.

¹³⁸ Inona no dikan'i Kalvary aminareo? Inona no nataon'io andro io taminareo? Nameno anareo ve izany, tamin'ny teolojia iray? Nanao anareo ho lobaka miainga vozona ve izany? Sa nanao anareo ho Kristiana iray, voatolotra tanteraka? Haleloia!

¹³⁹ Ny fahotana, navela! “Hanao asa lehibe noho izany ianareo.” Hitanareo hoe iza ilay “ianareo” dia, sa tsy izany? “Asa lehibe noho izany,” mamela fahotana, amin’ny Anaran’i Jesosy Kristy.

¹⁴⁰ Fa noho ireo fanekem-pinoana sy anaram-piangonana, sy ny sisa, dia mamatotra anareo eo amin’ny toerana iray izany, mbola manompo an’izao tontolo izao foana ianareo. Mitenena lehilahy iray amiko, mitenena vehivavy iray amiko, izay afaka ny ho tonga eo Kalvary ka miezaka ny ho lasa olona goavana iray satria nisy olona iray nilaza zavatra iray. Mitenena amiko hoe aiza no hijerenareo mifanatrika amin’i Kalvary, ao amin’ny hazavany marina, io andro teo Kalvary io. Ahoana no ahafahanareo manana ny andronareo eo Kalvary, nefä mivoaka miaraka amin’ny lobaka iray miainga vozona? Ahoana no ahafahanareo hivoaka ho saribakoly iray ho an’ny rafi-pandaminana iray, ka hitory foto-pampianarana sasany nataon’olona? Nahoana no tsy mampantry tena anareo amin’ny Tenin’Andriamanitra izany? Raha mba nandeha teo ianareo, dia hivoaka hanetry tena. Ahoana no ahafahanareo te-ho lasa zavatra goavana iray ao amin’ny rafi-pandaminanareo, miaraka amin’ny asanareo misongadina, nefä Jesosy Kristy ilay Zanak’Andriamanitra dia nanetry ny Tenany ho vatana voakapakapa iray, ho tarehy voarora iray, hatrany amin’ny henatra sy fahafaham-baraka? Ary nanendaka ny Akanjony izy ireo, ka nanohombo Azy, teo anatrehan’izao tontolo izao. “Nanao ny henatra ho tsinontsinona.” Ahoana no ahafahanareo handeha eo Kalvary nefä miverina ho zavatra hafa noho izay naha-izy Azy, fahafaham-baraka iray, henatra iray?

“Oh,” hoy ianareo, “handaka ahy izy ireo.” Avelao izy ireo handaka.

¹⁴¹ Manàna ny andronareo teo Kalvary, dia hanana ny Lèlany miaraka aminareo Andriamanitra. Avelao aho hanonona an’izany indray. Manàna ny andronareo teo Kalvary, dia hanana ny Lèlany miaraka aminareo Andriamanitra.

Ndao isika hivavaka.

¹⁴² Tompo, O Andriamanitra, ento miakatra eny Kalvary izahay rehetra izao ankehitriny izao. Avelao izahay hanala amin’ny tenanay, Tompo, ny fahatahorana olona, ny fahatahorana an’izay ho lazain’olon-kafa. Nahoana, nihomehy Azy izao tontolo rehetra izao, naneso Azy. Fa nankatò Izy, hatrany amin’ny fahafatesana. Nankatò Izy, hatrany amin’ny fahafaham-baraka.

Nankatò Izy, teo ambanin'ilay governemanta federaly mihitsy aza.

¹⁴³ Ary fantatray fa rehefa namely an'ity tany ity Satana, dia lasa mpanapaka sy manam-pahefana teto amin'ity tany ity izy. Nijoro vavolombelona an'izany izy teo anatrehan'ny Tomponay, ka nanao hoe, "Ahy ireo fanjakana ireo. Hataoko amin'izy ireo izay sitrako." Ary fantatray fa, nanomboka tamin'io andro io ka hatramin'izao, ity izao tontolo izao ity, eo ambanin'ny ozona, dia notapahan'ilay anankiray izay nanozona azy.

Fa, Andriamanitra, O Andriamanitra, manompo Fanjakana iray izay voaozona izahay.

¹⁴⁴ Ray, Andriamanitra, mahafinaritra toy ny ahoana izany, fa nanao zavatra lehibe Ianao tao amin'ilay—tao amin'ilay sarin'izao tontolo izao amin'izao andro izao. Mamela an'ireo sary lehibe ireo, tahaka ny *Didy Folo*, sy ny sisa, hivoaka, mba hamela an'ireo lehilahy sy vehivavy hahita, izay tsy hanaloka varavaram-pianganana iray akory aza, fa hamela azy ireo hahita hoe inona ilay izy. Ny lâlan'Andriamanitra dia lâlana nolavina iray, ho an'izao tontolo izao. Satria izahay dia toy ny . . . Miditra ao amin'i Rosia eo ambanin'ny kominisma izahay.

¹⁴⁵ Ato amin'ity izao tontolo izao ity izahay, saingy tsy avy amin'ity izao tontolo izao ity. Nandeha nankeny Kalvary izahay. Nanohombo ny tenanay izahay, ho an'ny Fanjakan'Andriamanitra, mba ho isan'ny Azy. Tsy mampaninona izay lazain'izao tontolo izao, mandray ny lâlana miaraka amin'ilay vitsin'ny Tompo natao tsinontsinona izahay. Manohy mandeha mankany amin'ny fitsanganana izahay, ary mino fa antomotra tsy ho ela izany, Tompo, mandrapahatonganay hitsangana ao amin'ny Fanjakana iray izay hanapaka an'ity izao tontolo izao ity. Tahaka ny nahitan'i Daniela azy mialoha, ary izany no nandrava an'izao tontolo rehetra izao, ho ampombo kely, ka ny rivotra no nitsoka azy avy teo amin'ny toeram-pamoloan'ny fahavaratra. Fa, ilay tendrombohitra, ilay Vato dia nitombo ho tendrombohitra lehibe iray izay nandrakotra ny tany. Ho avy io Vato io. O Andriamanitra, te-ho ampanhan'izany izahay. Avelao izahay handà ny tenanay, hitondra ny hazo fijalianay isan'andro, hivelona ho an'i Kristy, hivelona ho an'ny hafa. Ekeo izany, Tompo.

¹⁴⁶ Raha misy sasany eto izao maraina izao, ka tsy mahafantatra Azy ho Mpamonjy, ary te-ho tsaroana ao amin'ny vavaka famaranana, ka maniry an'izao ho andronareo teo Kalvary, dia hanangana ny tânareo ve ianareo, ka nanao hoe, "Mivavaha ho ahy, Rahalahy Branham. Te-hahafantatra Azy ho Mpamonjiko aho." Andriamanitra hitahy anao, ry tovolahy. Misy olona hafa ve? Andriamanitra hitahy anao, rahalahiko iry aorianana iry.

¹⁴⁷ Hisy olona hafa ve? Manaova hoe, “Te-hahafantatra Azy aho. Tiako ho andro iray teo Kalvary ity, ho ahy. Marary sy reraka aho. Inona no ilaiako hihodinkodina eto miaraka amin’ilay tena zavatra izay nahaterahako mba hatao mihitsy? Nateraka aho, nateraka mba ho zanak’Andriamanitra iray, nefä indro aho fa mifikitra eo amin’ireo zavatr’izao tontolo izao. Andriamanitra, avelao aho ho voahombo androany. Avelao aho hanohombo, androany, ny tenako sy ireo hevitro, mba ahafahako mivelona miaraka amin’i Kristy, ary mivelona ho an’ny hafa. Tsy mampaninona izay atao’izy ireo amiko, haneso ahy, sy hanenjika ahy, ary hiteny ratsy manohitra ahy, sy ny sisa, avelao fotsiny aho handeha am-panetre-tena, sy halemy fanahy, tahaka ny zanak’ondry iray, tahaka ny Nataony. Ary indray andro any, dia Izy no nampanantena ny hanangana ahy indray, amin’ilay Andro farany. Miandry an’io Andro io aho.” Hisy tànana sasantsasany amboniny hitsangana ve? Andriamanitra hitahy anao iry aoriania iry, ary ianao. Eny àry. Sasantsasany amboniny fotsiny... Andriamanitra hitahy anao. Andriamanitra hitahy anao. Sasantsasany amboniny, izay alohan’ny ivavahantsika.

¹⁴⁸ Rainay any An-danitra, izao no voalaza, rehefa nitory teny i Petera tamin’ny Andron’ny Pentekosta hoe, “Ary maro ireo nino izay niampy tao amin’ny Fiagonana.” Nino marina tokoa tamin’ny fony rehetra izy ireo. Ireto olona izay vao avy nanangana ny tànany ireto, mino aho fa efa nino tamin’ny fony rehetra izy ireo. Ary raha mino izy ireo, dia misy dobon-drano iray miandry eto. Tian’izy ireo ho voavela ny fahotany. Misy olona eto izay afaka manao batisa azy ireo amin’io Anarana io, dia ilay Anarana tokana izay nomena ny olona eto ambanin’ny Lanitra, izay tsy maintsy hamonjena anay.

¹⁴⁹ Satria, araka ny nanononako ny Soratra fotoana vitsy lasa izay, hoe, “Ny fibebhana sy ny famelana ny fahotana dia tsy maintsy toriana amin’Ny Anarany, any amin’izao tontolo rehetra izao, manomboka ao Jerosalema.” Ary tao Jerosalema, rehefa notoriana ny fibebhana sy ny famelana ny fahotana, dia niteny tamin’izy ireo ny amin’ny Soratra ilay apostoly, ary nilaza fa izy ireo dia tsy maintsy “mibebaka, aloha, ary avy eo dia hatao batisa amin’ny Anaran’i Jesosy Kristy.” Izany no raharaha ataon’ny mpitory teny. Fa izy ireo hibebaka, ary izy hanao batisa azy ireo ho famelana ny fahotan’izy ireo. “Fa na fahotan’iza na iza no avelanareo, dia avela amin’izy ireo izany; na fahotan’iza na iza no tazoninareo, dia tazonina amin’izy ireo izany.”

¹⁵⁰ Ray, ahoana no nanohizan’izao tontolo izao teo amin’ny hafokàna iray tahaka ny ananan’izy ireo? Nahoana no tsy mino an’ilay Filazantsara tsotra? Ary nampidirin’izy ireo mihitsy aza, ho an’izany, ho solony: ireo anarana sandoka, batisa sandoka, ireo batisan’ny Fanahy Masina sandoka, fandraisan-tànana an’ireo mpitoriteny, mampiasa an’ireo titra an’ny Ray, Zanaka, Fanahy Masina, izay tsy ao anatin’ny Soratra mihitsy; antontan-

taratasy iray nataon'ireo olona Romana, fa tsy fampianarana Kristiana iray na aiza na aiza ao amin'ny Baiboly. Ny famelana ny fahotana dia tsy mety ho voavela amin'ny alàlan'ny titra, fa amin'ny alàlan'ny Anaran'i Jesosy Kristy.

¹⁵¹ Ankehitriny, Ray, dia fantatray fa tsy tena malaza izany. Efa tahaka an'izany foana ireo Lâlanao. Fa aoka ireo lehilahy sy vehivavy, izao maraina izao, ho tonga eo amin'io andro io, io andro teo Kalvary io. Fa, Jesosy, dia nanao tsinontsinona an'io andro io, io henatra io, mba ho endahina akanjo, mba ho voatapatapaka potipotika, mba ho rorana, sy hesoina; avy tamin'izao tontolo rehetra izao, avy tamin'ny fiangonana, avy tamin'ny olona izay tokony ho tia Azy. Ary, kanefa, tao amin'izany rehetra izany, dia tsy nanokatra ny Vavany Izy, fa nandeha ary maty ho an'ireo olona izay naneso Azy ireo.

¹⁵² Andriamanitra, ento ho eny Kalvary izahay izao maraina izao. Ary raha milaza izy ireo fa adala izahay, milaza izy ireo fa diso fandray ny Soratra izahay, na inona na inona tian'izy ireo lazaina, Andriamanitra, dia tsy afaka mijoro ao amin'ny Fanatrehan'Andriamanitra izy ireo ka hilaza fa diso izany.

Tsy afaka hanarona ny fahotany amin'ny Baiboly izy ireo. Mampiharihary ny fahotany ny Baiboly: ny tsi-finoany; ny ho lasa malaza; ny hanao tahaka ny sisa amin'ny vahoaka betsaka. Aoka izy ireo ho tonga eo Kalvary izao maraina izao.

¹⁵³ “Ary manomboka ao Jerosalema; io fibebahana sy famelana ny fahotana io dia tsy maintsy toriana amin’Ny Anarany any amin'ny firenena rehetra, manomboka ao Jerosalema.”

Aoka izy ireo handray an'ilay dingan'ny voahombo iray ihany mba ho tapatapaka; sy hororana; sy hesoina; ary antsoina amin'ny zavatra rehetra izay azo iantsoana azy ireo ao amin'ny laharan'ireo jiolahimboto mpivavaka; mpamaky fiangonana; izay rehetra tian'izy ireo antsoina.

Enga anie izahay, Tompo, izao maraina izao, handray ny lâlanay miaraka amin'ilay vitsin'ny Tompo natao tsinontsinona. Enga anie izahay handeha tahaka ny nandehanan'ireo apostoly, tsy hitodika na amin'ny ankavanana na ankavia, ka hanompo an'Andriamanitra avy amin'ny hatsaram-panahin'ny fonay. Ekeo izany, Ray.

¹⁵⁴ Ankehitriny, dia sitrano ny marary sy ny ory izay hiditra ao amin'ny laharam-bavaka. Enga anie ireo izay manangana ny tânany, ao am-pony, hibebaka, izao ankehitriny izao. Enga anie ireo izay nitsangana ela be tany aorianana, handroso haingana mihitsy hankeo amin'ny rano ka hanao ny fahotan'izy ireo ho voavela amin'ny Anaran'ilay Fanatitra, Jesosy Kristy, ilay Zanak'Andriamanitra. Amena.

Teo amin'ilay hazo fijaliana izay nahafatesan'ny
 Mpamponjiko,
 Teo no niantsoantsoako ho fanadiovana ny
 fahotana;
 Teo no nampiharana an'ilay Rà tamin'ny foko;
 Voninahitra ho an'Ny...
 Voninahitra ho an'Ny Anarany!
 Oh, voninahitra ho an'Ny Anarany!
 Oh, teo ny foko no nopetahana an'ilay Rà;
 Voninahitra ho an'Ny Anarany!
 Voavonjy tamim-pahagagana tokoa tamin'ny ota
 aho, (Ahoana?)
 Jesosy no mitoetra ato anatiko amim-pahamoram-
 panahy tokoa,
 Teo amin'ilay hazo fijaliana izay Izy... (Aoka ho
 isan'ny Azy.) ao;
 Oh, voninahitra ho an'Ny Anarany!
 Voninahitra ho an'Ny Anarany!
 Voninahitra ho an'Ny Anarany! (Anarana
 sarobidy.)
 Oh, teo... foko no nopetahana an'ilay Rà;
 Voninahitra ho an'Ny...

¹⁵⁵ Tsy manao zavatra iray aminareo ve izany? Mikosoka anareeo fotsiny. Mametraka fanantenana iray ao anatinareo: Fiainana, Fiainana Mandrakizay.

¹⁵⁶ Inona ny hoe “voahombo miaraka amin’i Kristy”? Izany dia ny mivelona ho an’ny hafa. Karazana hafa inona? Ireo izay mankahala anareeo, ireo izay tsy ho tia anareeo, ireo izay haneso anareeo: mivelòma ho azy ireny; miaraha amin’izy ireny; tiavo izy ireny; “mivavaha ho an’izay manisy ratsy anareeo, miteny ny karazana ratsy rehetra tsy marina, nohon’Ny Anarako. Nananenjika an’ireo mpaminany izay talohanareo izy ireo.”

¹⁵⁷ Heveriko fa hanampy ny fiangonana angamba ny hafatra izao maraina izao, mba hahitanareo fa mila Kalvary iray isika, mila fanohomboana iray isika.

¹⁵⁸ Ankehitriny inona no nataon’io rehetra io? Voaloa avokoa ilay izy. Ranabavy eo amin’ny sezamisy kodiarana, ho an’ny olona eto izay marary sy ory: Voaloa avokoa ilay izy; ny zavatra tokana tokony hataonareo dia ny mino fa anareeo izany; manaiky an’ilay izy tahaka an’izany, dia ho sitrana ianareo.

¹⁵⁹ Tsarovy: Ankehitriny inona izany? Afaka mandeha any amin’izao tontolo izao ianareo, mitory ny Filazantsara, manasitrana ny marary; ary mampita Fiainana Mandrakizay.

Ho lehibe kokoa toy ny ahoana izany: amin’ny, indro misy lehilahy iray mandry eto miaraka—miaraka amin’ny fivontosana, homamiadana, na inona na inona ilay izy. (Efa

nahita Azy imbetsaka isika nampita an'ireo Fitahiany ka nanasitrana ny lehilahy, nanasitrana ny vehivavy; an'alinalina ireo zava-misy tsy azo lavina nanerana an'izao tontolo izao, hitanareo, nanala azy ireo avy teo amin'ireo fandriana, ireo filanjana; alok'olona lanin'ny homamiadana fotsiny; androany, dia olona tsara, salama tanteraka.) “Ireo asa izay Ataoko no hataonareo koa; fa hanao lehibe noho izany ianareo”: “mihoatra noho izany,” no marina.

Inona? Nomeko fanalavam-piaínana izy ireo, tamin’ny alàlan’ny Anaran’i Jesosy, mba hanalava ny fiainany mandritry ny andro vitsy.

Fa, “Mihoatra noho izany no hataonareo: hanome azy ireo Fiainana Mandrakizay amin’ny alàlan’Ny Anarako ianareo.” Fioo!

¹⁶⁰ Nahoana ianareo no ho menatra ny amin’io Anarana sarobidy io? Nahoana ny olona no mitsoaka an’izany ka manalavitra azy? Ny devoly izany. Izany tokoa.

¹⁶¹ “Ny fibebahana sy ny famelana ny fahotana dia tsy maintsy toriana amin’Ny Anarany any amin’izao tontolo rehetra izao, manomboka ao Jerosalema.” Teo no nivoahan’ny Hafatra voalohany. Marina ve izany? “Ny fibebahana sy ny famelana ny fahotana dia aoka ho toriana amin’Ny Anarany, manomboka ao Jerosalema.”

¹⁶² Ankehitriny, voalohany, hanao tahaka ny Nataony isika: hanao vavaka mba hanasitrana ny marary.

¹⁶³ Manaraka, dia hahazo an'ilay fanomezam-pahasooavana lehibe isika: Vonona ny rano, ato aoriana ato, ho an'izay maniry hatao batisa (misy akanjo ho an'ny vehivavy ao, akanjo ho an'ny lehilahy ao), mitsangana vonona hanao ny fahotanareo ho voavela; satria tsarovy, fa araka ny fampianaran’ny Baiboly irery ihany no ahafahanareo hanao ny fahotanareo ho voavela. “Fa tsy misy Anarana hafa eto ambanin’ny Lanitra izay nomena eo anivon’ny olona, izay tsy maintsy hahavonjy anareo.”

¹⁶⁴ Nihaona tamin’ny sasany izay efa natao batisa i Paoly. Ary nihiakiaka izy ireo, nahazo fandresena. Hoy izy hoe, “Ho amin’ny inona no nanaovana batisa anareo?”

Hoy izy ireo hoe, “Ho amin’i Jaona.”

Hoy izy hoe, “Jaona dia nanao batisa ho amin’ny fibebahana.” Ankehitriny, raiso ity: ho amin’ny fibebahana, fa tsy ho amin’ny famelana ny fahotana. Firy no mahazo an’izany? Tsy ho amin’ny famelana ny fahotana. Vita batisa tsara tokoa izy ireo, ho amin’ny fibebahana. Efa nibebaka izy ireo: “Eny, tompoko, efa nibebaka aho. Izaho, dia mino fa ho avy Izy.” Natao batisa *ho amin’ny fibebahana* izy ireo; izany hoe, “mino an’i Jesosy Kristy Tompo.”

¹⁶⁵ Avy eo rehefa nandre an'ity izy ireo (hoe efa tonga ilay Fanatitra), dia natao batisa indray, tamin'ny Anaran'i Jesosy Kristy. Ary avy eo, dia nampita tamin'izy ireo, rehefa nametraka ny tànany teo amin'izy ireo izy, ny Fanahy Masina; ary niteny tamin'ny fiteny tsy fantatra sy naminany izy ireo.

¹⁶⁶ Ankehitriny, ahoana no hanovànareo an'io Soratra io? Apetraho eo amin'ny toerana iray ao amin'ny Baiboly ny rantsan-tànanareo eo amin'izay nisy olona mba navela ny fahotany, ao amin'ny Testamenta Vaovao, ka mba natao batisa tamin'ny fomba hafa afa-tsý tamin'ny Anaran'i Jesosy Kristy.

¹⁶⁷ Asehoy ahy ny toerana iray ao amin'ny Baiboly izay nisy olona iray mba natao batisa tamin'ny Anaran'ny Ray, Zanaka, Fanahy Masina. Na ento ao amin'ny biraoko ny tantara iray, tantaran'ny fiangonana iray izay maneho fa nisy olona iray mba natao batisa tamin'ny Anaran'ny Ray, Zanaka, ary Fanahy Masina, raha tsy telon-jato taona mahery taorian'ny fahafatesan'ilay apostoly farany, rehefa voarafitra ny fiangonana Katolika.

¹⁶⁸ Ankehitriny, manana *ny Pre-Nicene Fathers* aho, sy ny... ireo mpahay tantara rehetra, sy ny sisa, ao amin'ny biraoko ao mihitsy: ilay tantara tranaindy indrindra, masina eto amin'izao tontolo izao; ireo porofo tokana tsy azo lavina izay ananantsika.

¹⁶⁹ Vakio ny *Our Sunday Visitor*, na ny katesizin'ny fiangonana Katolika, dia diniho izy ireo, izay ilazan'izy ireo hoe: "Ho voavonjy angamba ny sasany amin'ireo Protestanta, satria dia niondrika teo amin'ny foto-pampianarana Katolika izy ireo: Satria hoy ny Baibolin'izy ireo hoe, 'manaoa batisa amin'ny Anaran'i Jesosy Kristy,' saingy nesorinay ny hajan'ny 'Anaran'i Jesosy,' ka napetrakay izany teo amin'ny 'Ray, Zanaka, Fanahy Masina,' ary nanaiky an'izany izy ireo."

Ankehitriny, asehoy ahy ny Soratra iray mifanohitra amin'izany.

¹⁷⁰ Ary eo ianareeo izao. Kanefa, miondrika mihitsy amin'izany izao tontolo izao. Nahoana? Tsy mbola teny Kalvary mihitsy izy ireo. Izay ilay izy. Tsy mbola nahita mihitsy izy ireo.

¹⁷¹ Haneso anareeo izy ireo ka hiantso anareeo... hiantso anareo mihitsy aza izy ireo hoe, "Holy-roller," "Jesosy irery," sy ireo anarana fanatika rehetra izay vitan'izy ireo. Inona no fahasamihafana ataon'izay iantsoan'izy ireo anareo? Inona no nataon'izy ireo... Miraharaha an'izay niantsoan'izy ireo Azy ve Izy? Nohomboana Izy. Nivelona ho an'Andriamanitra Izy, ary Andriamanitra irery ihany. Ary raha io Fanahy iray io ihany, izay tao Aminy, izay ao aminareo, no hampanao anareo an'ilay zavatra iray ihany: mitondra Ny Anarany. "Na inona na inona ataonareeo" (hoy ny Baiboly) "amin'ny teny na amin'ny asa, dia ataovy amin'ny Anaran'i Jesosy izany rehetra izany, manome ny dera ho an'Andriamanitra."

¹⁷² Aiza no ahazoanareo an'io telo io, foto-pampianaran'ny mpanompo sampy? Avy ao amin'ny katesizy iray, fa tsy avy ao amin'ny Baiboly. Ny teny hoe “trinite” dia tsy voalaza akory ao amin'ny Soratra manontolo aza manomboka amin'ny Genesisy ka hatramin'ny Apokalypsy. Tsy misy ny zavatra tahaka an'izany. Tsy misy izany karazana Andriamanitra triniterana izany. Andriamanitra Izzy, Andriamanitra tokana, Andriamanitra anankiray. Efa Andriamanitra anankiray foana Izzy. Nanao asa telo Izzy: Nanao indray mandeha Izzy amin'ny maha-Ray, teo ambanin'i Mosesy. Nanao indray mandeha Izzy tao amin'ny nofo, amin'ny maha-Zanaka iray, Jesosy. Manao Izzy ankehitriny amin'ny maha-Fanahy Masina. Fa Andriamanitra anankiray izany. Andriamanitra anankiray, fa tsy miaraka amin'ny anarana telo. Asa telo, titra telo ao amin'ny Anarana anankiray: Jesosy Kristy.

¹⁷³ Ny zavatra hafa rehetra dia fanompoan-tsampy; ary mangataka amin'ny olona iray aho mba haneho an'izany, raha tsy izany ilay izy. Marina izany. Efa nilaza an'izany nandritry ny taona sy taona aho, nefo tsy nisy olona nitondra an'izany, tsy mbola (Hitancareo?), satria tsy mety izany. Izaho dia manana ny...inty ny Baiboly, voalohany; ary misy an'ireo tantara tranainy mba hanaporofo fa marina tokoa izany. Fa nahoana fotsiny ny devoly no...? Izaho...Eny, ny Baiboly no nilaza fa ho tahaka an'izany izy ireo: “Ahoana no ahafahan’izy ireo hanatona, raha tsy Izaho no mitarika azy ireo?” Izay fotsiny ihany no fantatro ny amin'izany. Izany no nolazain'i Jesosy, noho izany...

¹⁷⁴ Tsy milaza an'izany aho mba ho...Raha nilaza an'izany aho, ka nitory toriteny iray tahaka an'ity, dia izaho no ho mphatsaravelatsihy ambany indrindra eo anivonareo. Marina izany. Milaza an'izany aho satria Izany no Fahamarinana ary Izany no Fiainana. Izay rehetra natao batisa tao amin'i Kristy, dia mipetraka eo amin'i Kristy. Manana Fiainana izy ireo, nohon'Ny Anarany.

¹⁷⁵ Mivavaka amin'Ny Anarany isika, mitady amin'Ny Anarany, mitory teny amin'Ny Anarany, manao batisa amin'Ny Anarany, mivelona amin'Ny Anarany, maty amin'Ny Anarany, mandeha any An-danitra amin'Ny Anarany, mitsangana amin'Ny Anarany. “Ny fianakaviana rehetra any An-danitra dia antsoina hoe Jesosy.” Ny Baiboly no niteny an'izany: “Ny fianakaviana rehetra eto an-tany dia antsoina hoe Jesosy.” Hoy Izzy hoe, “Izaho dia tonga tamin'Ny...”

Hoy ianareo hoe, “Eny, ny Anaran’ny Ray izany.”

Ny Ray dia tsy anarana iray, titra iray izany. Hoy Izzy hoe, “Tonga tamin’ny Anaran’Ny Raiko Aho, nefo tsy nandray Ahy ianareo.” Ankehitriny, inona no Anarana Nahatongavany? Ah-hah. Izany tokoa, “...fa tsy nandray Ahy ianareo.”

¹⁷⁶ Noho izany dia eo ianareeo izao; izany fotsiny dia, hia, izany dia mafina amin'ny mason'ireo mahay sy manan-tsaina. Azo antoka tokoa, azo antoka izany, ah-hah.

¹⁷⁷ Ary any amin'ny Apokalypsy any, araka ny nianarantsika indray andro: nisy an'ilay fiangonana mpivarotena tranaindy, dia ilay rafi-pandaminana voalohany; ary avy eo dia nanana andiana zanakavavy izy izay naterany. Manao an'ilay zavatra iray ihany izy ireo, ilay fahazarana iray ihany. Miditra ao Babylona izy rehetra, mitovy ihany, miaraka amin'ny... miaraka amin'ilay fiangonan'i Roma sy ny fikambanamben'ny fiangonana an'ny—an'ny firenena; ary ao izy, miditra izy rehetra, ao amin'ilay zavatra iray ihany izy rehetra, sambo iray ihany.

¹⁷⁸ Fa ny Fianganan'Andriamanitra (Haleloia!), izany dia Fianganana iray nantsoina hivoaka, nosarahina. Ahoana no nanorenana an'ilay Fianganana? Ahoana no hahafantaranareo an'izany? Ahoana no mba ahafahanareo mahafantatra an'izao ho ny Fahamarinana? Rehefa Andriamanitra no manambara azy aminareo. Ahoana no—ahoana no nahafantaran'i Abela fa zanak'ondry iray ilay izy raha tokony ho paoma? Nambara taminy izany hoe: "Tamin'ny finoana no nanoloran'i Abela ho an'Andriamanitra ny fanatitra iray tsara kokoa."

¹⁷⁹ Nidina teo amin'ny Tendrombohitra Fiovan-tarehy, hoy Jesosy hoe, "Ataon'ny olona ho iza moa Aho?"

Hoy ny sasany hoe, "Elias," "Mosesy," sy ny sisa.

Hoy Izy hoe, "Fa manontany anareo Aho hoe, 'Ataonareo ho iza moa Aho?'"

Hoy i Petera hoe, "Ianao no Kristy, ilay Zanak'Andriamanitra velona."

¹⁸⁰ Hoy Izy hoe, "Tsy nianaranao mihitsy izany..." Amin'ny teny hafa (milaza an'izao aho, tsy ny ho goavana, fa hitondra eo amin'ny faritra iray): "Tsy nianaranao tany amin'ny seminera iray mihitsy izany; tsy olona iray mihitsy no nampianatra anao an'izany; fa Ny Raiko, izay any An-danitra, no nanambara an'izany taminao: hoe IZAHO NO IZY (tsy Ray, Zanaka, ary Fanahy Masina, fa, Izaho no Jesosy Kristy). Ary eo ambonin'ity vatolampy ity (Vatolampy inona? Ilay anankiray ihany izay nandehanan'i Abela; eo ambonin'io vatolampy iray ihany io.), eo ambonin'ity vatolampy ity, ilay Fahamarinan'Andriamanitra voambara ara-panahy, no Hanorenako Ny Fianganako, ka ny vavahadin'ny helo dia tsy afaka haharesy azy mihitsy." Marina izany. Manandrana an'izany izy ireo, saingy tsy haharesy mihitsy. Hitanareo?

¹⁸¹ Noho izany dia mandehana fotsiny mankany Kalvary, aoka ho voahombo, miverena, dia raiso ny lalanareo miaraka amin'ilay vitsin'ny Tompo natao tsinontsinona, mandrosoa.

¹⁸² Ankehitriny, Tompo, dia mametraka ny zavatra rehetra Aminao izahay. Tsy fantattro, avy amin'ity vondrona ity, hoe inona no ato. Tsy manana hevitra ahafantarana aho, Tompo, raha tsy Ianao no hanambara an'izany. Ary ankehitriny, Andriamanitra Ray, tsy mangataka Aminao aho mba hanao an'izany. Napetrako fotsiny teo amin'ny lohaliky ny olona izany. Eo izy ireo izao. Enga anie izao ho tena Kalvary iray izao maraina izao; enga anie ho tena fanohomboana iray ho an'ny sitrapo manokana izany, sy ho an'ny faniriana manokana, ary ho an'ireo zavatra goavana an'ny fiainana.

¹⁸³ Enga anie ny olona ho lasa manetry tena, ka hanaiky ny handray an'ilay lèlana miaraka amin'ireo vitsin'ny Tompo natao tsinontsinona. Enga anie izy ireo handeha am-panetre-tena. Enga anie izy ireo ho nateraka ao amin'io Fanjakana io, io Fanjakan'Andriamanitra lehibe io, izay vatana ara-panahy iray, ilay vatan-danitr'i Kristy eto an-tany: "Tamin'ny Fanahy iray no nanaovana batisa antsika rehetra tao amin'ny vatana iray."

¹⁸⁴ Ekeo izany, Tompo. Na mainty izy ireo, fotsy, mavo, volontany, na inona na inona izy ireo, lahy na vavy, andevo na afaka: izahay rehetra dia natao hisotro avy ao amin'ilay Fanahy manokana iray ihany.

¹⁸⁵ Ekeo izany, Ray, ary enga anie izany hiaraka... eo anivon'ny maro, izao maraina izao, mba hahazoan'izy ireo; enga anie Ianao hanokatra ny fahazoan'izy ireo. Amin'izay fotoana izay, dia ho toy ny andro vaovao iray ho azy ireo izany: hamiratra ny masoandro, ary hisinda ilay hazavana maizimaizin'ireo teolojia nataon'olona, ka ny Hazavan'Andriamanitra no hamiratra eo amin'ny lèlàn'izy ireo, sy handrovitra an'ilay voaly izay manarona an'io Hazavana tsara tarehy io. Ary afaka ny handeha amin'ilay lèlè-malalaky ny fahamasinana izy ireo, amin'izay fotoana izay, mivelona ho an'ny hafa, tahaka ny nataon'i Kristy.

¹⁸⁶ Ankehitriny raha mampiditra an'ilay laharam-bavaka izahay, dia mivavaka aho mba Hanosoranao an'ireo Mpanomponao izao maraina izao, izahay rehetra, raha mivavaka izahay, ny iray ho an'ny anankiray hafa. Ary ekeo, androany, mba ho sitrana anie ny olona marary rehetra izay mandalo amin'ity laharam-bavaka ity. Enga anie izy ireo hiverina, tahaka an'ilay zazavavy kely bala maso, sy ilay zazalahy kely, ary ilay... ary ilay ramatoa zokiolona, sy-sy Rahalahy Wright, ary ny maro amin'ireo izay nandalo, Tompo, niaraka tamin'ireo fahoriania sy aretina ary ny zavatra izay tsy azon'ireo dokotera notsaboina; nefo eto izy ireo androany (teo amin'ny herinandro lasa teo izay), ary eto izy ireo, salama, androany.

¹⁸⁷ Andriamanitra, enga anie ireo lehilahy sy vehivavy handalo miaraka amin'ilay finoana iray ihany, mahafantatra fa mandeha mankany Kalvary izy ireo mba ho voahombo amin'ireo fisainany sy ny heviny fa hoe izy ireo dia "nilaozan'ny fahasitranana."

Enga anie ilay hery izay nanangana an'i Jesosy avy tao am-pasana hanome azy ireo ny fiainana, fiainam-pinoana lehibe.

¹⁸⁸ Ary avy eo, aorian'izany avy hatrany, dia enga anie ho maro ny hanatona ny dobo ho an'ny batisa. Mangataka izahay, amin'ny Anaran'i Jesosy. Amena.

¹⁸⁹ Ankehitriny, roapolo minitra fotsiny no ananantsika hanaovana ny laharam-bavaka sy ny fotoan'ny batisa. Ankehitriny dia tsy manana karatra fangataham-bavaka isika. Nialantsika izany, ary hiezaka isika hanao an'ilay izy ao amin'ireo favoriako goavana kokoa na oviana na oviana hanombohantsika. Efa voateniko taminareo ny rehetra, voapetratsika izany, manana an'izany eo amin'ny horonam-peo isika, ary na aiza na aiza alehako, dia halefa ireo horonam-peo ireo.

¹⁹⁰ Manondro mankany amin'ny fitahiana fotsiny ihany ilay famantarana. Ilay hevitra dia hoe, "Raha hivavaka ho an'ny marary ianao, dia ataovy mino anao ny olona."

Hoy aho hoe, "Tsy hino ahy izy ireo."

Hoy Izy hoe, "Homena an'ireo famantarana ireo ianao, ary amin'ny alàlan'izany no hinoan'izy ireo." Efa nihetsika hatrany sy hatrany ireo famantarana, nandritry ny folo taona nanerana an'izao tontolo izao, tsy diso mihitsy na dia indray mandeha aza. Tsy nisy fahadisoana, mihitsy, tao amin'izany. Firy no mahafantatra an'izany ho marina?

¹⁹¹ Eny, raha mety mino an'ilay famantarana ianareo, amin'izay fotoana izay dia minoa ny Hafatra. Marina izany. Izany no maneho azy. Ary Andriamanitra ve dia hametraka ao anatiko Hafatra iray (Ary namela an'izany ho tanteraka mihitsy tahaka an'izany, nefo inona...) ka hiteny zavatra iray aminareo izay ho sandoka aho? Tsy hamela ahy hanao an'izany Andriamanitra. Tsia, tsia. Tsia, tompoko. Miteny aminareo ny Fahamarinana aho.

¹⁹² Ankehitriny, ianareo rehetra izay maniry ny hivavahana, somary, eto amin'ity laharana eto ity, mankanesa eto amin'ity ilany ity, raha sitrakareo, eto, milahara amin'ny ankavanana. Ary amin'izay fotoana izay dia izany no hamela ny olona handalo raha mivavaka isika. Noho izany dia halaintsika ireo—ireo zazalahy, ireo mpampiditra olona sy izy ireo no hiambina; ary raha mandalo eto izy ireo, avy eo amin'ity ilany ity, dia ho entintsika mihodina any aoriana izy ireo, ary entintsika mandalo amin'izany. Ny olona rehetra izay hivavahana.

¹⁹³ [Misy olona iray miresaka amin-dRahalahy Branham—Mpand.] Oh, tsia, tsia, tsy nanao aho. Eny, amin'ny fotoana rehetra izay tianao. Tsy maninona. Afaka mitondra azy ianao, na ianao... Izaho dia afaka... ento eo izy ankehitriny, na afaka kelikely, amin'ny fotoana rehetra izay tiany, tsy maninona.

¹⁹⁴ Ankehitriny, ndao isika handeha haingana arak'izay vitantsika, ho an'ity minitra vitsy manaraka ity. Tiako ianareo rehetra hieritreritra ankehitriny: Ankehitriny, inona no—inona no nolazain'ny Baiboly? “Ny vavaky ny finoana no hamony an'ilay marary.” Firy no mahafantatra fa marina izany? Firy no mahafantatra fa hoy ny Baiboly hoe, “Izao famantarana izao no hanaraka an'ireo izay mino. Ireo asa izay Ataoko no hataonareo koa”? Ary inona ireo asa? Hoy Izy hoe, “Mety Aho raha mino ianareo fa mahay manao an'io Aho.” Marina ve izany?

Inona ilay fanontaniako? “Tsy hino ahy izy ireo.”

Hoy Izy hoe, “Ireo famantarana no hanao azy ireo hino.”

¹⁹⁵ Ankehitriny, raha mino ianareo, dia mivonònà: Izao no oran'ny fanafahana anareo. Mitovy tahaka ny tamin'ny fahotana mihitsy, teny fikasana iray ihany an'ilay Andriamanitra iray ihany izany.

¹⁹⁶ Ankehitriny, isika dia manana vehivavy kely iray, marary eto, izay tratry ny aretim-bavony, avy any New Albany any. Hivavaka ho azy isika, aloha, mba ahafahany maka ho azy—maka sezà iray ho azy. Ankehitriny, moramora, ary ny olona rehetra, ankehitriny. Tiako hanampy ahy ireo rahalahy, eto. Ary ndao isika hanondrika ny lohantsika vetivety, ankehitriny, ho an'ny vavaka.

¹⁹⁷ Ankehitriny, Ray any An-danitra, efa Ny Teninao izao. Tsy tompon'andraikitra amin'ny hetsika izay horaisina eo amin'izao aho, fa tompon'andraikitra amin'ny fitoriana an'izao. Ary mahafantatra an'izao (ary mahafantatra fa lehilahy iray azontaona aho ankehitriny, ka indray andro any dia hanatrika Anao): Efa nitory ny Fahamarinana avy tamin'ny foko aho. Fantatrao izany. Tsy ny ho mpihevitra mialoha, raha efa izany ilay izy, Tompo, amin'izay fotoana izay dia mila fibebahana aho.

¹⁹⁸ Ary Ray, mivavaka aho mba Hanampianao, ankehitriny, raha mandeha mivavaka ho an'ny marary izahay, dia enga anie ho valiana ireo fivavahako, tsy ny fivavahako irery ihany, Tompo, fa ny fivavahan'ity fiangonana ity, satria ireto olona mampalahelo ireto... Ahoana moa raha ny vadiko ity mitsangana eto ity? Ahoana moa raha izy ity, mipetraka eo amin'ny sezà misy kodiarana? Na ny anabaviko? Ny reniko? Oh, Andriamanitra, sitrano ity vahoaka ity. Sitrakao ve, Tompo?

¹⁹⁹ Jereo, mitsangana ao amin'ny laharam-bavaka: aretim-po, homamiadana, fivontosana, ireo karazan'aretina sy fahoriana rehetra. Maro amin'izy ireo no tonga (an-jatony no afaka, avy tetra mihitsy, Tompo), ary mahita an'izany izy ireo, ary mino an'izany, ka tonga ao amin'ny laharam-bavaka mba hanaiky ny azy ireo. Manatona eo amin'ny Vato velona iray izy ireo ankehitriny, tsy ny Mpanomponao, fa eo amin'Ny Zanakao, Jesosy, Izay Mpitarika an'ilay Fiangonana, ilay ara-panahy, Olona mahagaga eo anivonay. Ary raha mandeha izahay,

manolotra Ny Anarany (Hoy Ianao hoe, “Amin’Ny Anarako dia handroaka devoly izy ireo.”), mivavaka aho mba Hamalianao ny fivavakay, amin’ny Anaran’i Jesosy. Amena.

²⁰⁰ Ankehitriny, ny olona rehetra ao amin’ny vavaka. Ankehitriny, ity dia ampanahany anareo, ihany koa. Ity dia ny vavakareo.

Ankehitriny tsy maintsy ho faty ity vehivavy kely ity, raha tsy misy Zavatra iray manampy azy.

²⁰¹ Firy no mahafantatra an-dRahalahy Stadsklev? Rahalahy sy Ranabavy Stadsklev? Nantsoina intelo aho avy tany Alemania indray alina; maty ny zazakelin’izy ireo. Nangataka izy ireo hoe, “Rahalahy Branham, efa nahita anao izahay, tamin’ny alàlan’ny Fanahin’Andriamanitra, nanangana ny maty,” (Nitsangana nanatrika izy ireo ary nandinika an’izany. Hitanareo?) “ary fantatray fa mpaminanin’ny Tompo ianao. Milazà Teny iray fotsiny.”

Hoy aho hoe, “Tsy afaka milaza an’izany aho, raha tsy napetraka tao am-bavako izany.”

“Mankanesa aty Alemania.” Nitsangana haingana mihitsy aho. Ary nitelefonina izy ireo hoe: “Nahazo fiaramanidina haingam-pandeha iray izahay izay afaka hitondra anao aty Alemania ao anatin’ny enina ora.” Haingam-pandeha iray an’ny tafika izay hitondra ahy hankany Alemania mba hanangana an’ilay zazakely maty. Haingam-pandeha iray no hitondra ahy ao anatin’ny enina ora, avy tao Louisville ho any Munchen, Alemania.

²⁰² Niditra tao aho, ary nandohalika tamin’ny lohaliko, ka hoy aho hoe, “Ray, inona no tokony ho lazaiko? Mitenena ao amin’ny vavako.” Tsy namaly ahy Izy. Nandeha nankany anaty ala aho, hoy aho hoe, “Ray, inona no tokony ho lazaiko? Ataovy ao am-bavako ireo teny. Ho zava-poana ny handehanako, raha tsy izany.” Niverina aho, tsy namaly ahy Izy. Niditra aho. Nivavaka aho nandrity ny alina hoe, “Tompo, ataovy ao am-bavako ireo teny.” Tsy nisy na inona na inona namaly.

²⁰³ Ny ampitso maraina dia nifoha ny vadiko. Vantany vao lasa izy, ilay Teny (nitsangana aho), hoy Izy hoe, “Aza miteny an’io. Tànan’ny Tompo io.” Ah-hah.

Tamin’izay fotoana izay dia nandeha haingana teo amin’ny telefona aho: “Tsy afaka ho tonga aho. Tsia, tangan’ny Tompo io. Efa norarana aho.” Hitanareo ve hoe fahefana inona no teo amin’io fanitsiana io? Rehefa hoy Andriamanitra hoe, “Aza manao an’io ianao, satria ny tangan’ny Tompo izany.”

²⁰⁴ Ankehitriny, Mosesy, indray mandeha, dia notenenina mba tsy hanao zavatra iray, nandeha ary nanao an’ilay izy ihany na ahoana na ahoana. Tsaroanareo ve? Noho izany aho—tsy nandeha aho.

²⁰⁵ Ary afaka hanao filazana aminareo aho hanehoana olona efatra samihafa, izay, voatonon'ireo dokotera fa maty, taorian'ny vavaka sy fitenenana ny fahafatesana. Hitanareo? Mitsangana eo isika mba hiteny an'io zavatra io. Fa raha nomen'Andriamanitra fahefana hanao zavatra iray ianareo, dia tsaratsara kokoa aminareo ny mitandrina an'izay hataonareo. Hitanareo? Tsaratsara kokoa ho anareo ny mita-...Hoy Izy hoe, "Aza..."

²⁰⁶ Ankehitriny, tsarovy, mety tsy milaza zavatra tsara loatra aminareo ilay izy, fa ho ahy, dia midika zavatra iray izany. Hitanareo?

"Aza miteny an'io." Tena Feo mamy, tsara fanahy (teo amin'ny enina sy sasany teo, mino aho fa izay ilay izy, tamin'ny enina sy sasany tamin'io maraina io) no nanao hoe, "Aza miteny an'io. Tànan'ny Tompo io."

Hoy aho hoe, "Misaotra anao, Ray. Misaotra anao, Tompo. Tsy hanao an'izany aho."

²⁰⁷ Raha hoy Izy hoe, "Teneno io. Ilay fahavaloka tafatsofoka io."

Dia ho nilaza aho hoe, "Ndao isika handeha." Ary ho vita ilay izy.

²⁰⁸ Rehefa nandry teo io zazalahy kely tany Finlande io, maty, torotoro, tsy nisy taolana iray ara-dalàna akory aza tamin'ny vatany, dia nilaza ny Tompo fa tànan'i Satana io, nanao hoe, "Teneno izany."

²⁰⁹ Dia hoy aho hoe, "Ry fahafatesana, tsy afaka mihazona azy ianao. Avereno izy, avotsory izy." Teo, nitsambikina tamin'ny tongony izy, eny, tsy nisy taolana iray tapaka akory aza tamin'ny vatany. Izany no Tenin'ny Tompo. Tsy afaka mampiasa ny Tenin'ny Tompo aho raha tsy tonga amiko ny Tenin'ny Tompo.

²¹⁰ Fa ao amin'ny Soratra, dia nanome iraka ho ahy ny Tenin'ny Tompo mba hivavaka ho an'ireto olona marary ireto; manome iraka anareo mba hivavaka ho azy ireo. Ankehitriny, "ny vavaky ny finoana dia hamonjy an'ilay marary;" ndao isika hivavaka, aondreho ny lohanareo; ho hitantsika izay Lazainy, raha mandalo ianareo.

²¹¹ Kristiana iray ianao, sa tsy izany? Mino amin'ny fonao rehetra ve ianao fa hanao anao ho salama Jesosy? Tratry ny aretim-bavony kely ianao; njaly tamin'izany nandritry ny taona maro, ranabavy. Ankehitriny, dia ho salama ianao, raha hino.

²¹² Ankehitriny, Tompo Andriamanitra, tsy maintsy ho faty ity vehivavy tanora ity raha tsy manampy azy ianao. Ankehitriny dia mivavaka aho, raha mijery azy, tsy mahita ny antony hahafatesany aho.

Ary tsapako ao amin'ny fanahiko, Tompo, fa Sitraponao navela ilay izy, ankehitriny, ka miteny an'izao aho: Satana, avotsory izy!

Amin'ny Anaran'i Jesosy Kristy, enga anie izy ho salama, ho tonga eto amin'ity fiangonana ity, ary hijoro vavolombelona ho an'ny voninahitr'Andriamanitra. Amena.

²¹³ Ankehitriny, tsotra tahaka an'izany ilay izy, ramatoa, ho salama ianao. Mino an'io rahalahy io ve ianao?

[Mandeha manalavitra ny fanamafisam-peo Rahalahy Branham—Mpand.] Mino ve ianao eto io, fa ho salama?

Mandehana ankehitriny, manomboha mihinana an'izay rehetra...ho tianao raha izany, aoka ho mety tsara.

Ankehitriny, manantena ny hanome famelezana iray an'izao tontolo izao ianao, sy hampahalemy azy; nanome famelezana iray anao izy, ary mampahalemy anao. Ankehitriny, ilay Andriamaniry ny Lanitra izay mandray ny Famelezany an'izao tontolo izao mba hanome famelana ny fahotana, amin'io Anarana iray io ihany, dia afaka manome anao ny famelana ny fahotana, manala an'ilay famelezana aminao, ary manao anao ho salama.

Mino ve ianao fa afaka manao an'io fidoboky ny fo io ho salama Izy? Mino an'izany ianao, ho salama ianao...?...

²¹⁴ Tompo Jesosy, ity vehivavy mampalahelo ity dia tsy maintsy hipetraka eo amin'ity sez aity amin'ny sisa amin'ny fainany ary avy eo, dia ho esorina. Fa mangataka izahay mba ho esorina aminy io herin'i Satana io. Enga anie izy ho velona sy handeha ary ho ara-dalàna tahaka ny efa naha-izy azy hatramin'izay. Mangataka an'izany amin'ny Anaran'i Jesosy izahay. Amena.

²¹⁵ Mino ve ianao? Asa iray efa vita izany, vita ilay izy. Inona ny olana? Tsy misy tahotra, tsy misy...? Tsy izany...? Efa sitrana tamin'ny homamiadana ianao indray mandeha...?... Mamotsora, omeo an'i Jesosy ny zavatra rehetra.

²¹⁶ Tompo Jesosy, mamestraka ny tànako eo amin'ity vehivavy ity aho ka miteny ny aretiny. Fantatro fa Kristiana iray izy, nateraky ny Fanahy. Esoriko aminy izany, amin'ny Anaran'ny Anarana mahagagan'i Jesosy Kristy. Amena.

²¹⁷ Tompo Andriamanitra, ho an'ny anadahiny sarobidy, dia mangataka ny famonjena azy aho amin'ny Anaran'i Jesosy. Mifikitra eo amin'izany. Amena. Ho tanteraka anie izany.

²¹⁸ Vonona ny handray ny fahasitrananao ve ianao, anaka? Eka, efa lasa eo an-Tànany izany.

²¹⁹ Tompo Jesosy, eo amin'ity tovolahy ity, izay nilaza, avy Taminao, fa mivavaka izy mba handray ny fahasitranany. Amin'ny maha-Mpanomponao, dia mamestraka ny tànako eo aminy aho amin'ny Anaran'i Jesosy Kristy...?...Amena.

Ankehitriny, ny rehetra fotsiny...?...ankehitriny, miantsoa Ny Anarany fotsiny ianao. Ankehitriny, tsy—tsy amiko...?...

²²⁰ Andriamanitra Ray, amin'ny maha-zanaka iray fotsiny izay niankina teo an-tratran'ny reny fahiny, nikapokapoka azy izy ary—ary nivavaka niaraka taminy ka nihazona ny tànany kely fony izy mbola zazakely iray nibadabada. Ankehitriny, dia nametraka azy tao amin'ny toeram-pitsaboana saina iray i Satana. Andriamanitra, manatona ny Fiagonana masin'Andriamanitra velona izy, Fiagonana iray izay nateraky ny Fanahin'Andriamanitra, Fiagonana iray izay ny Fanahin'Andriamanitra no velona ao, ary mampahafantatra ny Tenany. Ary androany, amin'ny alàlan'ny vavaka, dia manafaka an'io vehivavy io hiala ao amin'io toeram-pitsaboana io izahay. Amin'ny Anaran'i Jesosy Kristy, no ivavahanay. Amena.

Mandehana mody, mety tsara ianao.

Misaotra anao tonga, mangataka ho an'ny reninao; izany no tena zanaka iray.

²²¹ Izao no andron'ny fanafahana anao. Tompo Jesosy, ho an'ity ramatoa tanora ity, ho an'ny famonjena ny vadiny sy ny fanafahana ny tendany, dia enga anie izy handray an'izany amin'ny Anaran'i Jesosy Kristy, Izay milaza mba ho "tonga, mino an'izany ankehitriny," dia vokatra iray vita izany.

²²² Tompo, efa nilaza mazava ireo dokotera, Tompo, fa ao amin'ny vatany ilay izy, tonga ao amin'ny masonry. Tonga izy mba ho afahana, eto amin'ity alitara ity, raha mivavaka ity Fiagonana masina ity, mangataka ny fanafahany amin'ny Anaran'i Jesosy Kristy aho, mba hiala amin'ny vatany io loza io. Asa iray efa vita izany.

Ho an'ny zanany, dia mitso-drano an'ity mosara ity aho. Enga anie ilay fandrenesana sy ireo toerana tsara hiverina amin'ny sofiny . . . ? . . .

²²³ Ankehitriny miteny ny Fiagonana; ankehitriny ny Fiagonana no Vatana mahagaga an'i Kristy. Mivavaka ho anao izahay rehetra. Hitanao? Isika tsy—isika tsy milaza fa tsy ao amin'izao tontolo izao intsony. Isika tsy miteny mikasika ny fanontaniana hoe ho aiza isika. Hitantsika ilay Lâlana. Teraka tao amin'io Lâlana io isika. Isika no Fiagonan'Andriamanitra Velona (ampahan'izany); mazava ho azy, miparitaka manerana an'izao tontolo izao izany. Fa ity dia vondron'izy ireo. Androany, dia tonga miaraka amin'Ny Anarany isika. Tonga isika mba hanao an'izay Nolazainy, hatao. Inona no tsy Azony ambara rehefa tonga miaraka isika. Mivavaha ho an'ny marary, mametrà tànana eo amin'izy ireo, "ny vavaky ny finoana no hamonjy an'ilay marary."

²²⁴ Enga anie hiala aminao ny aretim-ponao. Amin'ny Anaran'i Jesosy Kristy, mankatô ny iraka izay nomen'Andriamanitra ahy aho . . . ? . . .



TAMIN'IO ANDRO TEO KALVARY IO MAG60-0925
(That Day On Calvary)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alahady maraina, 25 Septambra 1960, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org